

卷之三

洪武十三年至十八年

八

圖書



國權

庚申洪武十三年

正月朔詔讓高麗貢不如約

甲午御史中丞進賢涂節告左丞相胡惟庸與御史大夫陳

寧等謀逆上親臨鞠初惟庸得旨上意竊肆威福橫甚封

事稍嫌匿不奏四方饋遺亡筭家人為奸利事道閭榜辱閔

吏奏之吏上怒殺家人切責丞相謝不知乃已又以中書違

慢數詰問所由惟庸懼乃計曰主上魚肉勲舊臣何有我

鹽官談遷孺木著

耶死等耳寧先發毋為人未死惟庸兄女妻李善長弟存義
子祐相表裡為重其定遠故里第井中忽生石笋水溢數尺
三世塚皆夜有光怪燭天而數以事見督遂誘吉安侯陸仲
亨平涼侯費聚使出招士馬為外應間與存義謀始圖之善
長驚曰爾言何為者寧欲族我耶居旬日惟庸復謂存義苟
事成盡捐淮西地王太師善長心動乃歎息起曰吾老矣惟
爾等所為惟庸乃遣元臣封績致書漠北請兵又使指揮林
賢通倭使俾載精兵千人偽貢及期會府中掩執工度可
取之不可則掠武庫兵入海惟庸因偽為第中甘露降請

上幸臨許之會西華門內使雲奇走告變上登城樓望
其第藏兵甚衆即發羽林掩掠獄具

王世貞曰致贈司禮監太監雲奇碑奇以內使守西華門
時胡丞相居第距門甚邇而欲謀逆詭稱所居井湧醴泉
邀上幸而伏甲以待奇偵知之亟走當蹕道勒上馬
言狀氣鬱舌蹇不能宣上恚甚左右搢篋亂下奇臂將

折猶奮指逆臣第 上悟登西皇城樓而眺顧見丞相第
中壯士裹甲伏屏間數匝亟發禁兵捕擒之而後召奇氣
絕矣詔贈奇內官監左少監而國史則謂惟庸以驕恣漸
露不自安而會故所居定遠里第井忽生石笋水湧起數
尺三世塚火光燭天遂為瑞有非分之覬右丞相汪廣洋
以懦不能持正外譎益自疑而其子嘗走馬衢道中誤踐
人死 上怒欲抵償請納馬贖罪不許於是構李善長諸
將陸仲亨費聚御史大夫陳寧中丞涂節同謀逆節恐事
露奏發之尚書高時請為省吏亦發之 上臨鞠皆一

驗惟庸與陳寧皆死史之紀茲事詳矣第不及醴泉出
要上臨而伏甲謀為逆也雲奇發惟庸逆謀功甚大而史
逸之且又以府第醴泉溢為故里第石笋發井涌起數尺
何牴牾若此第 上既登城樓覩伏甲掩捕之得反狀矣
而又何假於涂節之告變也豈節以事發始首故不免死
耶

戊戌誅左丞相定遠胡惟庸御史大夫茶陵陳寧夷三族盡
誅其僚黨凡萬五千人以涂節不早告亦棄市惟庸初事
上為元帥府奏差轉宣使司商授寧國王簿晉知縣吉安通

判歷湖廣按察僉事漸大用陳寧元末鎮江小吏來金陵代
揮帥草奏稱旨因薦用通經有治才嘗守蘄州燒鉄烙人肌
入拜御史大夫益嚴酷雖詔責不改子孟麟教諫寧杖之死
上怒其情寧懼遂同逆惟庸誅後指揮林賢以倭兵四百
餘人與僧如珙來獻巨燭中藏火藥兵器事泄磔賢倭兵戍
雲南降詔切責日本云

談遷曰胡丞相環才竊柄睥睨名器見於雲奇之走訴則
已伏甲據冷節猶在謀議間大抵雲奇為不妄也第英
王龍興手剪群雄如竈工掃除事且大定而逆黨不數人

藏甲不數百覬專諸於窟室冀鼎政於東社自非嬰孺其
敢任之或曰惟庸非叛也素作威福林於汪廣洋之斬首
積疑成獄既斧鉞不少貸而緩李善長陸仲亨費聚何也
可以知其故矣

群臣言胡惟庸任寧國知縣賂太師李善長黃金五百得媾
躡拜太常少卿惟庸在相多不法懼上英明欲反以玉具
劍奉善長善長遣奴操兵四十人從待日舉事善長為國首
輔負大恩當斬上召善長坐與一食語舊事甚悉雪涕顧
群臣曰吾初見太師長吾十四歲而謀計多合不爽累功至

窮顯吾女女太師子謝諸臣為我曲宥太師請誅吉安侯陸
仲亨大上曰仲亨年十七父母兄弟俱亡以一升麥藏草間
朕見而呼之曰來遂從朕長育以功封侯此吾微時股肱腹
心其勿問并宥平涼侯費聚已前死遂止誅存義并赦祐
廷亥諭朝臣欲罷中書省任六部監察御史許士廉請設三
公府太師太傅太保總百僚庶務上然之

庚子山西左叅政侯斯為部尚書河南按察使鄭九成為禮
部尚書前北平按察副使劉崧為禮部尚書應天府尹徐鐸
為戶部尚書

作太倉鎮海蘓州三衛海船百六十六艘轉運

癸卯詔罷中書省進六部尚書正二品侍郎三品改大都督
府為五軍都督府分理事務詔天下自是好臣貪吏益嚴誅

責

王世貞曰六部彷彿周官之舊獨戶部兼冢宰制國用之
職而宗伯兼司徒掌邦教之職耳繁簡劑量頗亦得且秋
官之外復設都察院大理寺夏官之外復設中軍都督府
雖兵刑為重亦後世不得已之意要之不如古者令大密
文太繁兵民之途太分而已

武官子弟常安等有三人為參將舍人遇春姪

己巳上御奉天門命吏部選官以北平山西陝西河南四

川之人用於浙江江西湖廣直隸浙江江西湖廣直隸之人

用於北平山東西陝西河南四川廣東西福建廣東西福建

之人用於山東西陝西河南四川考覆不稱及降謫者不分

南北悉於廣東西福建汀州江西龍南長遠湖廣郴州之地

遷用以示勸懲

置邳州衛

丙午定五軍都督正一品

裁湖州守禦千戶所

丁未罷鉄甲弓箭毛皮織染神帛等局

罷軍需庫置軍器局罷龍江分司置龍江提舉司

戊申改雞籠山為雞鳴山

庚戌遣覈天下倉庫蓄積之數

丁巳御史大夫安然為左御史中丞

己未罷山西河南北平鳳陽等城兵馬司

庚申減湖廣靖州榮山二衛中鹽引價四之一

辛酉大都督府掌判官洪彝為吏部尚書

是月廣東右衛百戶建昌翁顯討山寇房文廣等戰死贈都
指揮僉事子儀襲湖廣都指揮僉事

二月戊朔詔有司舉聰明正直孝弟力田賢良方正文學及術
數之士

嘉興知府薛祥為工部尚書

發丹符驗天下錢穀

詔安陸衛指揮僉事柳依率兵守漢中

勅諭天下巡簡司

城宛州

命文武官年六十以上者聽致仕給誥勅

己巳夜有赤星自張宿流雲中沒

辛未上諭皇太子諸王曰吾平日無優伶替狎無酣歌

夜飲正宮無自縱之權妃嬪無寵幸之妃朝政稽衆參決惟

善是從燕閒之際一人之論尤加維審每旦星存而出日入

而休非疾弗惰以此自防猶恐不及與爾言之使知持守之

道

壬申吏部尚書僕斯改禮部

暴風

故元 國公脫火赤樞密知院愛足大率五萬餘衆屯和林
命西平侯沐英以陝西兵擊之

癸酉四川都勻定雲土官大金總等來歸

己亥遣應天府官祀漢蔣子文晉亦壺南唐劉仁瞻宋曹彬
元福壽五廟

夜有赤星自游氣中流近濁波

丙子作潭王邸於長沙

泗城州知州岑善忠子振作亂寇利子廣西官軍討之

丁丑重定文武官歲祿

辛巳太師李善長請老上所給儀仗二十戶許之

壬午命舉臣賢良方正孝弟力田文學之士八百六十餘人

禮部給蘆籩主事一人掌之

丙戌罷江陰守禦千戶所

己丑召故真人張正常子字初諱闕嗣正一嗣教道合無為

闡祖光範真人

辛卯詔十月朔進明年大統曆

三 朔辰朔減蘓松嘉湖賦額初 上慈吳民殉守張士誠故重

其科時天下田租或三升三合五內蘓松等至七斗五升蘓

額玩三十六萬石張氏百萬石正明歷減尚二百七十餘萬
陸深曰國初總計天下稅糧共二千九百四十三萬餘
浙江二百七十五萬二千餘蘓州二百八十萬九千餘松
江一百二十萬九千餘浙當天下九分之一蘓贏於浙以
一府視一省天下之最重也松羊於蘓蘓一州七縣松纔
兩縣較蘓之田四分處一則天下之尤重者惟吾松也
丙申鄧鎮嗣申國公
湖廣崇山衛指揮僉事楊仲名督軍屯田

戊戌裁戶部印引局

辛丑作魯王邸於兗州

壬寅燕王棣之國北平賜燕山中左右三護衛吏卒五千

七百七十人吳僧道衍從

戊申定六部官制各子部四吏部曰總部司封司勳考功戶

部曰總部度支金部倉部禮部曰總部祠部膳部主客兵部

曰總部職方駕部庫部刑部曰總部都官比部司門工部曰

總部比部虞部水部其部中員外郎主事多寡各有差

庚戌琉球入貢定吏員月俸

壬子西平侯沐英兵至靈州遣候騎偵知脫火赤兵次亦集
乃路遂踰賀蘭涉流沙七日夜至其境夜去穹廬四十里啣
枚回其軍自當前圍擒得其全部以歸
定教官首領官雜職官三等

癸丑兩浙都轉運鹽使呂本言舊制鹽四百斤為引官給工
本米一石准米價兼支錢鈔今驗鹽塢地產分則永嘉等二
十塢增鹽千四百五十七引下沙等十一塢增鹽萬七千二
百九十引許村等四塢增鹽六千八百三十七引報可
乙卯定公侯稱號不稱散官稱開國輔運推誠宣力武臣某

丁巳罷南昌衛置袁州衛

戊午置長沙護衛漢中衛

四 月 丑 禮 部 侍 郎 劉 崧 署 吏 部 尚 書

壬申翰林待制吳況降編脩工部侍郎清遠李鑑改兵部

癸酉翰林應奉陳溥致仕賜御製詩文

壬午工部員外郎周誼為侍郎

甲申都督濮英襲故元柳城王等於西涼破之獲部民千二

百餘人馬二千餘匹

丁亥濮英請開哈梅里之路通商從之

成子翰林編脩張美和致仕
書理學類編六卷群書備數十二卷及元史節要行世年八

十三
已丑諭群臣各舉所知以聞

裁廣洋縣廣德州

改封故楚國公廖永安為鄖國公豫章侯胡美為臨川侯

是月國子助教清江聶鉉致仕鉉辛亥進士授廣宗縣丞通

早蝗言民困詔蠲其租遷翰林待制改助教十八年分考禮

闈就廬陵教諭終其身

廖樞嗣德慶侯永忠子

五月朔朔復漢陽德安府隨州桂陽州孝感應城安陸應山枝

江沅江通道善化工澤光化竹山等縣

都督僉事王簡卒簡壽州人從渡江累功追封霍山侯謚忠

毅賜葬鍾山子虎留守右衛都指揮使

進各省都指揮使正二品布政使從二品原正三品

甲午雷震謹身殿

己未詔曰朕以菲德託萬姓之上不期宰輔失計肆奸擅權

使賢愚陷罪朕思初業之初念民生之不易首誅奸惡鋤根

剪蔓及其餘黨錄刑之際不無過焉甚非上帝好生之德五
月甲午時及申雷震謹身殿朕甚懼焉天下有罪自十惡外
咸赦除之釋在京及中都屯作者免太平鎮江宣城廣德滁
和今年田租還山西軍二萬四千餘人為民坐事免官者自
思無罪則自來朝仍授職

丙申釋在京及臨濠屯作者

御史臺左中丞晏然予告韓國公李長善理臺事

戊戌禮部員外郎李冕為侍郎

己亥詔免天下今年田租

工部侍郎肅寧劉敏改刑部敏初中書吏織蘆蓆奉母或職

亡遺清瓷器懸梁上俟後還之授楚府錄事時給沒官婦女

敏獨不請故胡黨事無預

庚子戶部主事王克已試吏部侍郎

壬寅都督濮英兵至白城獲故元平章忽都帖木兒進次赤

斤站獲故元龜王亦憐真及部屬千四百人金印一

癸卯命吏部銓次薦辟者皆授官賜夏衣一襲諭曰爾朝廷

失得有司利病必盡知之當盡心所事為朕福民

癸丑順皇子松生

戶部郎中范敏署尚書事

丙辰會學侯張温雄武侯周武徙河南理軍務

勅連東都指揮使曰五月二十五日知高麗周誼至連東此

必有詐前元唐申君索女其國誼女入元宮唐申出奔朕內

臣得此世婦令誼數臣殊有意卿等不可不備

勅嘉興府教授吳源以中書舍人林廷綱薦召之

己未松州雨雹傷麥

是月署吏部尚書劉崧致仕

罷御史臺及各道按察司

日本國王浪懷入貢以無表卻之

六月唐申朔免太原大同鹽課

許叙州重慶輸布代絹

癸亥安南陳叔明入貢謝前諭煒一名叔明

嚴各省軍餉及官吏月俸

丙寅雷震奉天門

揚州倉火

丁卯勅江陰侯吳良臨川侯胡美都督張銓於顯孫恪以災

異止山東湖廣各王邸工作

己巳復吳況翰林待制

庚午儒士趙楫試通政司右叅議

癸酉太常寺少卿仁和阮峻為吏部尚書

勅召儒士李延齡李幹御史薦

甲戌平涼雨雹

乙亥罷各府照磨

勅召儒士楊良卿王成季翰林典籍戴安薦

丙子勅召儒士陝州石器荆至靈寶王道楊原張知闕鄉王

仲寧張謙郭輔趙規尚書范敏薦

鄧元錫曰聞之高皇帝以武功創業顧慕用者儒見者

儒喜輒以者儒無誕請可厚俗也至鷹擊豪猾剷除汚染

率倚幹敏敢任之賢竭才力赴功然非久仆已故是時天

下儒多質行長厚無綺言記曰春者蠢也春者物之始生

也國之始基運也如春於乎豈非天哉

召江都訓導胡志遠給事中王和薦

丁丑置諫院官左右同諫各一左右正言各二

戊寅諭戶部軍民嫁娶喪祭之物如舟車絲布等皆勿稅

己卯置行人同行人一左右行人各一

壬午閏縣大風雨傷人

癸未大風

甲申復降吳況翰林編脩

召儒士呂慎明及湖州教授童冀吳況薦又儒士劉仲海鄒

魯狂宋季子各專勅儒士揭樞王與龔文達白天民遣召不

勅

置判錄司判錄一正七品副判錄二從七品專驗京官俸給

罷天下抽分竹木場

禮部尚書溧陽侯斯致仕元嘉定知州路

延安侯唐勝宗督浙江衛官作海舡繕城

暹羅斛國入貢

是月上省災避正殿群臣表請答曰朕弗克行仁舜上帝

后土之好生員海岳之呵護累祖宗於地下致五雷奉命

著跡殿廷雖不寧於此時悲忽忘於永久卿請朝正殿朕不

違群情賴爾臣民匡朕不逮

玉田蘓恭讓為漢陽知府恭讓應薦授郡簡明嚴慎稱治行

第一

臣戒錄成周胡惟庸命儒臣纂古宗威官官博送二百十二

人頒天下
七月辰諭戶部運陝西布於近邊易米麥

詔京官復其家
癸巳罷秘書監悉歸翰林典籍

甲午太白晝見

連東都指揮使潘敬葉旺送高麗貢使用詔至京正以高麗貢不如約留詔遣其通事先還禁彼使毋擅入

乙未海康縣大風雨壞官署
辛丑罷寶鈔提舉司及外都布鹽運司照磨

壬寅復封鄭過春榮陽侯

置廣東新興千戶所

廖昇為淮安衛指揮僉事永安從子

樓魁東莞

甲辰許給甫中化留張純求歸娶上嘉純謹厚遣賜鈔其

家致之以婦至平文知縣高同歸督會不致其

廣東都指揮使王真卒真壽州人以元平戶降累戰功從征

浙閩鎮粵七年賜葬鍾山已贈前軍都督同知追封臨沂侯

謚桓義

戊申召儒士林克堅林有學林孟高孟思淵

壬子韓國公李善長等請賀聖節不許又請制曰父母劬勞

昊天罔極當生之日痛心無已所以奉祀靜居無敢歌惟鄉

等數云天下太平及朕年高因請稱賀令不違群情毋致過

侈自是在外諸司五事上聽表賀明歲為始

夜有大星自河鼓流雲中沒

丙辰兩廣溪峒人居京師者悉聽還鄉

平章潘原明往福建理軍務

丁巳禮部侍郎李冕試尚書

廟申景皇子模生

辛酉置壽廬儀真衛

癸酉徵賢良方正楊過春等至京過春乞歸許之

丙子祭歷代功臣用常服行禮

陽曲縣地震

戊寅罷松州衛

己卯置翰林院檢閱官

丙戌太白犯心

置應天府學設教授一訓導四

倭寇海豐

是月給天下儒學諸生廩膳

九廟寅永嘉侯朱亮祖卒亮祖六合人本元義兵元帥禽於寧

國釋之成浙東取温台由海道從征廣東西至海南封以征

此右副將軍助平蜀杖死軍校不與賞鎮廣東多不法徵還

番禺知縣河間道同奏其事上責教之不服死杖下上

憐之賜塋江寧安德鄉手撰壙志不諱實錄云以亮祖功臣

江寧安德鄉

辛卯景川侯曹震管陽侯楊璟永城侯薛顯也田壯平

甲午日本入貢無表卻之

乙未夜有星自壁宿流離宮三小星隨之波

命天下諸司正官首領來朝明年正旦

戊戌改行人判錄司為司正左右行人判錄為左右司副

己亥徵儒士王本等至京勅諭之曰朕興艱難朝無良佐道

乖政靡弗獲泰安凶雖誅賢士未至今得爾諸儒旬有餘

日厥志未知特爾勅問果志秉忠誠可交神明與朕同游以

康天下

辛丑召太原府學訓導王觀陽曲訓導李德彰

癸卯夜月食
乙巳萬壽節
上御奉天殿受朝賀宴群臣謹身殿歲為常

占城入貢
丙午始置四輔官兼太子賓客告太廟令王本安邑杜祐
貴溪龔敷為春官壺關杜敷趙民望莆田吳源為夏官秋冬
官兼攝

丁未詔戒守令曰曩奸臣弄權百職罔忠遂致刑典所授有
司皆出編氓宜知稼穡艱難民生疾苦舊任未代者若仍前
非則國有常憲

戊申勅四輔官王本等曰卿受斯任民生繫焉可不重乎卿
等昨為庶民令輔朕掌茲二儀故事不可有乖

己酉夜河州地震

庚戌改北平大興右衛為燕山右護衛

辛亥後軍都督府僉事高顯卒顯巢縣人從渡江累功賜莖

鍾山追封汝陽侯謚武肅

癸酉南靖縣大風雨

是月詔陝西衛軍以三分之二屯田

召儒士梁俯賈惟岳

十月朔勅王本等曰是春徂秋天災疊見惟秋之暮天氣尚
暄諭爾齊沐精勤爾等奉命盡誠候及立冬朔風釀寒以成
冬令嗚呼感應如響古者三公四輔論道經邦理陰陽順四
時乖戾則曰失職卿等尚竭忠勤用佐厥終
諭吏部有司舉士非人者罰無貸

召儒士張叔廉陳真采訥教諭石瓊楊盤訓導曹文壽張玳
李睿

壬戌罷諸王府錄事置左右長史正五品
高郵大水免田租

乙丑前戶部尚書徐鐸試湖廣右布政使

丁卯置廣西年樂千戶所

己巳真臘國王叅荅甘武者持遠志入貢

召魏國公徐達還京

己亥敘仕兵部尚書單安仁言江淮運道事停之

己卯試禮部尚書李冕為江西布政使

乙酉汰天下巡簡司非要地者三百五十四

福建都轉運使同副使龍泉同時中坐罪當棄市宥之除名

是月吏部引見國子生二十四人命授守令面諭以撫民事

君之道

十一月 罷在京行用庫

癸巳擢教諭石礪戶部侍郎

乙未魏國公徐達還自北平

庚子重定王國社稷山川壇制

甲辰崇明潮決溺人畜

丙午故元平章完者不花與朵兒不花率數千騎入桃林口

犯永平指揮劉廣迎擊之蔡家庄兵少被殺千戶王輅畏創

以後軍邀歸路又戰燕河敗之又伏發擒完者不花劉廣子

崇官城門尉至是襲廣職

戊申河州梁州地震

己酉莊浪地震

庚戌進夔州為府綿眉葭橫安縣為州睢陽縣改睢州復來

安全椒倉山等縣

癸丑吏部重定功臣及常選官封贈等第

丙辰儒士宋訥為國子助教

十二月 令春月海運免風雪覆溺

己巳夜廣州大雷雨

壬申太倉衛指揮使朱文質福州左衛指揮僉事陳文俱為

後軍都督僉事

甲戌福州廣州地震

丁丑夜河州地震

庚寅湖廣試布政使李叔正試禮部侍郎

癸未改雜職方印為條記

乙酉南昌府工賀正旦表不如制宜罪宥之

是月承勅即曾儀等乞歸省勅曰朕聞士有五患焉患同庶

人不同庶人矣患無學、矣患不齒於志學者齒於志學者

矣患無官、矣患不忠、矣患不孝儀等以生員選入國學

異庶人矣未及數年授以官出國學者矣今各言歸云省親

云歸祭亦知孝順惟志學忠君未審何若若患不出於志學

而忠君則當思孟軻三鼎五鼎之厚薄也民之享也無鼎乃

微士之享也有鼎乃貴、有厚薄以三五鼎者則必思志學

而忠君矣

重作天禧寺 舊長干寺

詔諭日本

南雄侯趙庸鎮廣東

南聯... 兵備... 重... 西... 庚...

辛酉洪武十四年

正朔子故元平章朵兒不花等犯邊命魏國公徐達為征西大

將軍信國公湯和穎川侯傅友德為左右副將軍率諸將討

之... 改岳州為府

戶部試尚書范敏免

命新任官各舉文學賢良方正聰明正直孝弟力田及才幹

之士

己丑涼州地震

乙未置松潘等處安撫司龍州知州薛文勝為安撫使

庚子戶部郎中徐輝試左侍郎

壬寅置各布政司左右叅議

甲辰夜太陰犯角

乙巳國子助教趙新為山西布政使

命吏部凡郡縣所舉諸科賢才相引至端門庶下令四輔官
諫院官共論議覘其才識

壬子白虹貫日

罷天下造兵器

癸丑諭勳武臣子弟皆入國學受業

丙辰詔求賢曰哲士幽潛而闕世天道動忍以增能士隱耕

釣困羈旅高才至智不能伸者有司以禮敦致朕將尊顯之

禮部侍郎靖安李叔正為尚書

是月命天下編賦役黃冊

命刑部錄囚具案奉旨送四輔官諫院官給事中覆覈奏之

有疑讞四輔官封駁著為令

四輔官龔敷杜敷趙民望吳源並致仕以安然為四輔官兼

太子賓客

二月未改澠州為縣

壬戌賜諫院右司諫石中判錄司左司副夏守忠鈔各十定

以公直敢言也

甲子浦江鄭湜為福建布政司左叅議時評湜兄弟通胡惟

庸吏逮之爭入獄事閩宥之錄用湜

己丑融縣程民作亂官軍討平之

夜太陰犯井

丙寅楚王楨之國武昌

暹羅斛國入貢

辛未試戶部侍郎武進徐輝為試尚書

癸酉更定徒罪煎鹽炒鉄例

己亥儒士鄭孔麟王德常為河南廣東右叅議

丁丑申明鄉飲酒禮

己卯增布政使左右

庚寅覈實天下官田

改明州為寧波府

甲申令武官三品以上有犯請旨乃鞫四品以下竟逮問

己酉自壬午至是日月中黑

三朝代朔詔曰唐虞三代刑措不用朕夙夜究心未臻斯効良

由委任非人其大赦天下與之更始

丁亥復置各道按察使及分司

己丑蘓州人附私物運舡上以運木勞苦赦之

庚寅詔刑部犯徒流罪者毋處以荒地定道里遠近居之全

也
壬子涼州地震
癸丑工部主事李文伸為侍郎

四
丙辰朔改國子學於雞鳴山南

令國子生兼讀劉向說苑及律令諭祭酒李敬曰劉向說苑多載前言往行朕時觀省深有勸戒律令國家法制參酌古今可遠刑辟宜兼讀

簡精騎萬六千三百三十五人赴北平從大將軍征胡

己未國子司業禮部侍郎劉崧卒崧字子高恭和人元貢士

洪武三年授兵部郎中遷北平按察副使清苦自持坐事免

胡氏敗起禮部侍郎署吏部尚書致仕起司業年六十一

不自文祭之博學有志行所著北平八府志東游錄嶺南錄

職方集文集等行世

袁泰曰劉子高之清近世所未有也其權吏部也不逾月

而免功業不概見惜哉今之世得如崧者以司銓貪濁之

風或少衰矣乎

壬戌夜歲星犯壘壁陣

癸亥昏刻太陰暈五帝座

甲子上諭刑部臣曰惡名人所耻仕者孰不欲保爵祿彰善譽或差或誤雖悔無及自今犯者宥罪復職榜過門端改則除之

戊辰儒士吉安伍朝賓為諫院左正言

庚午大將軍徐達出塞右副將軍傅友德至北黃河敵駭遁輕騎夜襲灰山克之獲人畜甚衆西平侯沐英等略山寨獲

全寧四部以歸

夜大星自北斗魁流游氣中沒

癸酉召前武昌知府義烏傅藻為河南按察使博學善詞章

乙亥置定海守禦千戶所

復置磨勘司

己卯北平布政司乞仍徵燭硝上以息兵器其輸

癸未罷廣東海北鹽課司

甲申改陽山縣為連州尋置陽山縣隸之

五月丙朔朔哈梅里回、阿老丁來朝

吳沈進千家姓

丁亥復蕪州為府化縣欽縣為州置茂名合浦縣

庚寅裁穰縣鄧州

辛卯復施州

乙巳太陰暈歲星

甲辰前翰林學士承旨宋濂卒濂字景濂浦江人少師吳萊
即名文薦授翰林編脩辭歸上聘入拜江南儒學提舉改
起居注歷文學侍從之職最被眷注嘗作醉學士歌既致仕
歲一朝孫慎坐通胡惟庸誅并怒濂欲死之皇后以東宮
師力救乃安置茂州至夔州宿僧舍嘆曰佛書報應以類何
爽也夕自經年七十三竟葬後蜀王遷葬華陽濂篤倫
品寡嗜欲內外誠懇日不釋書所著潛溪集龍山集龍門子
浦陰人物記翰苑集芝園集行世

朱國禎曰先生篤行真脩學有本原文歸爾雅遭際聖神
大弘制作守先王之道而見之行無道學之名而有其實
收宋儒未竟之功開我明大成之運決當從祀孔廟而
先生既不自名世亦無有名之者汶、至今良可歎息
太祖勞其身以憂天下切齒於人之不仕者御製班、可
考先生二十餘年魚水之交鞠躬盡瘁死而後已自其職
分末年引疾實拂聖心若有意避遠并子孫亦杜仕籍
恐天威一振全族皆沉欲徒死於夔其可得哉俗儒之哀

吾不欲聞之矣
談逸曰明而儒竊采之理而遺其實又文萎蕭不足觀也景濂且英華千古首闢草昧館閣之正始也醉染天毫夢形睿想遇合不為不渥矣一青株累頓忘宿昔素髮垂領首丘望斷嗟乎苟品遇不景濂也者將百口是盡悲哉仕宦真畏塗也

袁泰曰傳曰得士者昌失士者亡高皇帝下金陵定括蒼首聘四子此亦若渭子旌之過也宋公雖白首待從無封侯之業優游禁近非克舜之道不陳於王前其所奏對諷而不失正軌見採納觀其始見高皇帝問取天下大計即以不教為對此豈小儒曲學瑣富強者能之哉卒能以其所學潤色洪業使我明之禮樂煥乎與三代同風區區叔孫桓榮之徒不足數矣

己酉造軍衛廬舍官署

夜有星自羽林軍流西南還羽林軍沒

唐戎夜有大星自句陳流文昌沒

壬子陳鏞嗣臨江侯

癸丑山西布政使趙新為翰林脩撰

甲寅改湖廣平陽守禦千戶所為桂陽守禦千戶所
是月五溪蠻作亂江夏侯周德興請行 上老之未許請益
力勅遣之曰忠武之臣盡智力禦災捍患身終乃已朕
史書見之常歎羨之焉溪蠻為盜方命壯帥卿時侍旁即願
請征不覺興歎豈謂古有今無朕聞卿年邁卿復固請凱旋
之日賜田一庄於予勤忠不怠非卿者誰

靖州蠻作亂衛兵討平之

六丙辰選國子生三十七人教習

安南陳煒入貢時思明府言安南脫峒二縣攻其永平等寨
安南亦訴思明見攻 上以煒欺詐卻之

戊辰置施州衛

壬申夜有星自招搖流雲中沒

戊寅築浙西海塘成

癸未置黔江縣

夜辰星熒惑太白聚東井

七月酉重定進賀表箋禮

丁亥刑部郎中錢塘胡禎為尚書

戊戌日本入貢卻之令禮部移書責國王良懷

裁工部雜作局

己亥左軍都督僉事何德卒德光州人從起兵累功年五十

二賜祭葬贈左軍都督同知追封廬江侯謚壯毅

壬寅前刑部員外郎寇徽為應天府尹

癸卯置密雲衛

丁未定文武散官之制

己酉前軍都督府經歷商英試刑部右侍郎

臨洮雨雹傷稼

壬子各省社稷山川等祀武職不預

夜大星自天津流三丈餘數小星隨之至紫微右樞設

八朔丑朔諭征南雲梁王把匝剌瓦爾密先備資裝

壬戌進重慶州為府

癸亥夜白虹見

己丑南雄侯趙庸平陽春縣蠻命誅首惡餘宥之

丁卯致仕戶部侍郎李仁為滁陽牧監正唐州人

廣安州人偽彌勒佛惑衆官軍捕斬之

庚辰河決原武祥符中牟上令護舊隄毋重困民

西輔官兼太子賓客晏然卒然柘城人元山東行省左丞降

年五十... 自文榮之... 然... 六... 武...

辛巳置南海衛... 大將軍徐達等還京師

九月... 朔... 穎川侯傅友德為征南將軍永昌侯藍玉西平王

沐英為左右副將軍步騎三十萬征雲南梁王... 上錢龍江

曰朕不能親至其地然嘗覽輿圖詢彼_地豪傑而得其阨塞進

取當自永寧先遣驍將別將一軍向烏撒大軍繼自辰沅入

普定分據要害乃進兵曲靖彼所必守下曲靖三將軍以一

軍趨烏撒應永寧之師大軍直擣雲南彼此牽制破之必矣

下雲南大理心次下餘郡邑部落可撫而有也

勅播州宣慰使楊鑑南征

魏國公徐達鎮北平

陽曲地震

癸未改翰林院欽天監太醫院正五品翰林學士一侍講學

士侍讀學士各二五經博士五典籍侍書各二待詔六史官

脩撰三編脩檢討各四

西域僧古麻辣室哩山丹室哩等辭歸先自中印度來朝命

游五臺山六年留京至是賜而遣之

甲申五色雲見

置北平山海衛

乙酉置湖廣寧州衛

己丑復置起居注

壬辰立滁陽王廟於滁

丙申置復州衛

丁酉置中都留守司

己亥改蔣山興國禪寺為靈谷寺

辛丑勅刑部尚書胡楨等曰唐虞之世罪疑惟輕四凶之誅

止於流竄有司既不能宣明教化使民無犯及小過或加苛

刻朕甚閔焉自今十惡真犯決如律餘皆減論死

衍聖公孔希學卒

甲辰白氣貫日

乙巳夜大星自天殺至四輔沒又赤星自婁至壁

丙午上謂四輔官王本曰天於君猶父於子有警敢不懼

朕與卿等皆當謹慎無違

四川水盡源通塔平散毛諸峒長官作亂江夏侯周德興討

之

禁有司薦舉教官

丁未考功監令李激為兵部尚書

己酉翰林脩撰樂清趙新致仕予勅

以李幹何顯周為四輔官兼太子賓客

十朔子朔日食

癸丑命法司論因奏聞從翰林院給事中及春坊正字司直

郎會議年允奏決

甲寅免應天太平廣德鎮江寧國今年田租官田半之

丙辰南靖民亂南雄侯趙庸討平之

秦府右長史奉化蔣子為山西按察使

庚申古田民亂主簿賴理等討平之

辛酉給事中鄭相因言國初之制凡啟事東宮官屬稱臣朝

臣則否蓋尊無二上今概稱臣於禮未安下廷議編脩吳沉

等奏曰東宮國之大本繼聖體而承天德者也臣子之敬無

異凡啟事東宮稱臣如故從之

壬戌置冰馬驛二十六

癸亥賜曲地震

遣監察御史林愿孫榮等分按各道罪囚重者送京師從大

理詩詳識
甲子改鳳陽右衛為河南左護衛

已巳禁瀕海軍民私通外夷

壬申曉辰星見東方

癸亥考功法

甲戌江西按察司吏訐副使某常服寫表以妄訐正其罪

丙子夜熒惑犯太微星

己卯儂處温三郡盜起延安侯唐勝宗都督僉事張德討之

海陽民亂南雄侯趙庸討平之擒千餘人

是月周王楠之國河南

瓜哇國王八達那巴那務入貢

工部尚書薛祥坐累杖死祥仁厚直諫其不能脫禍蓋數然

與

十甲朔吉安侯陸仲亨鎮成都

黑氣亘天

戊子上聞盜掠黃陂而西勅宋國公馮勝於汝寧南陽伺

其出沒捕之

庚寅覈天下廢寺田入官

甲午夜太陰犯填星

乙未大星自上台流軒轅沒

丙申河南神武衛改河南右衛

已亥復置大理寺審刑司左右審刑正六品左右詳議正七

甲辰諭吏部兵部擇用志學武臣子弟

乙巳浚揚州官河

蕭人上治安六策上曰治國當用賢致治在得人此首言

用法悞矣

丙午南雄侯趙庸平程鄉盜

丁未賜國子生冬至節錢

平涼侯費聚兵趨普定

江陰侯吳良卒良定遠人從克滁和渡江拜指揮使晏遮江

陰為人既封平右江諸峒蠻年五十一贈中軍右都督追

封江國公謚襄烈賜葬鍾山之陰子高嗣

何喬遠曰高帝始取天下虞漢吳相結使吳良守江陰

耿炳文守長興先以剪漢羽翼漢斃然後併力向吳亦惟

二臣稱任使當時論者謂二人善守之日吳已亡矣逆黨

肅清檣示勲臣儼於徐鄠可謂鑒在上心者乎

起復太常寺卿唐鐸為兵部尚書
己酉禁有司不得差遣學官

唐成福安人作亂官軍討之遁入山適延安侯唐勝宗征處
州盜分兵捕滅之

廣州海盜曹真掠東莞南海翁源等縣南雄侯趙庸以萬
五千人分擊破之擒賊二萬餘斬五千有奇

十二月禮部郎中高信試尚書儒士張子源試侍郎張宗德試
兵部侍郎

中軍都督僉事孫世采世巢人從渡江戰贈都督追封富

春侯謚忠勇

元卯龍巖人作亂官軍討平之

僧宗泐還自西域俄力思軍民元帥府已者萬戶府從入朝

貢

丁巳常德多虎命留守司選勇士百八十二人從回唐哈

散捕之唐哈散善捕虎

命翰林院編修檢討典籍左春坊右司直郎正字考啟諸司

奏啟

戊午歐陽倫為駙馬都尉尚安慶公主

辛酉征南將軍穎川侯傅友德等率大軍至湖廣遣別將郭英陳桓胡海等以兵五萬趨烏撒自與藍玉沐英由辰沅趨貴州進攻普定普安皆下之留兵戍守趨曲靖

癸亥復置四川納溪鹽馬司

乙丑右正言田友信試戶部右侍郎

初遼東都指揮使潘敬等高麓李仁人弑王今願聽約束其貢有一物不如約即卻之毋被其誑

戊辰傅友德等至曲靖梁王把匝剌瓦爾魯遣司徒平章達里麻將精兵十餘萬拒戰白石江右副將軍西平侯沐英請

諸軍嚴陣無道蒙霧潛渡白石江下流出其後而達里麻陣

動大軍遂昇濟乘而擊之勁戰自旦至莫敵大潰擒達里麻

俘以萬計克曲靖分遣左右副將軍藍玉沐英趨雲南自率

衆數萬循格孤山而南搗烏撒元樞魯院副使燕帖木兒歸

妻脫懷氏閉門不納曰爾受梁王厚恩兵敗不死何以見

妻遂飲鴆死乃鴆其二男一女命侍兒曰我死爾焚其屋毋

辱我遂飲鴆死

庚午元梁王把匝剌瓦爾魯聞兵敗與左丞達的魯政金驢

遁入羅佐山

辛未賜國子生明年正旦元宵節錢

勅傳友德等烏蒙烏撒果降石恐蠻地無糧令將軍分軍回
衛今資糧於敵軍不可回也遣內臣勅烏蒙烏撒東川芒部
建昌諸酋長如悔罪來朝否則遣貢朕當罷兵以安黎庶
戶部尚書徐輝有罪下獄上以勤事減死論

壬申梁王把匝刺瓦爾悉走普寧州忽納答驅妻子赴滇池
死夜同連的金驢逾自經草舍

癸酉沐英藍玉至雲南之橋板元右丞觀音保等出降明日
進金馬山梁王內臣也先帖木兒上金寶我師入城撫定吏

民自克雲南至出師數往凡百日

談遷曰元社久墟雲南獨險遠遺孽分據者十四年自謂
限隔天地不享不庭及天戈西指復嶺叢菁忽焉土崩滇

池不足飲我馬矣梁王雖怯有死無二亦朔末之錡者
未可以說運置之也

丙子延安侯唐勝景平徇處溫山盜斬二百六十級俘三千
三百餘人賜田一庄及都督僉事張德

征南左副將軍永昌侯藍玉遣景川侯曹震定遠侯王弼宣
德侯金朝興分兵趨臨安諸路

戊寅金朝興至江川元右丞五輔臺降

是月甘露降鍾山

城普定烏撒初傳友德搗烏撒元右丞實卜遁去頃復合友德故止戰以觀士士無不思死友德下令曰我軍深入有進無退彼遁而合必不一心併力與戰破之必矣吾故以觀汝

曹汝曹果河用也遂大破實卜軍板烏撒城之得七星關以

通昇節進克河渡河東川土官左丞勝石及烏蒙芒部諸蠻

皆望風降趙州土官龍海降而復叛擊斬之

太常寺卿呂本卒壽州人女即皇太子妃

裁京畿都漕運司

壬戌洪武十五年
正月朔大宴始用九奏備食樂章
癸未前石埭知縣石栢為嘉興知府

甲申五色雲見

始置諸司勘合

已商城播州

五丙式翰林侍講次原潔等編類華夷譯語

三丁亥置貴州都指揮使司平涼侯費聚汝南侯梅思祖署都

司事置雲南左右前後衛普定黃平建昌東川烏撒普安水

西烏蒙芒部尾洒等衛

己丑諭刑部大辟俱減死論

庚寅免開封河決去年田租

甲午初傳友德等雲南既克必置監司郡縣其烏撒烏蒙東

川芒部建昌宜約束其酋長留守兵禦禁其民毋挾兵刃

如霧翠葦亦盡服之雖有雲南亦難守也軍士疾弱者每衛

限十五人先還

已未瓜哇入貢

南雄侯趙疇平東莞翁源四會諸盜

成戒凡將校雜犯既罪俱戍邊

辛丑免山東師出海巡倭第嚴備之

癸卯大理守段信道世工書傳友德回聖朝受命奄有區夏

以雲南屠使逋梗化問罪之師有不得已麾卒長驅一鼓席

捲曲靖非天助順何以及此流言兵至如烈火遷其土著攜
其妻子故疑畏而不敢即也夫雲南遐荒歷代不能臣奉漢
通使諸葛孔明不留鎮兵諸夷信服唐鮮于仲通調師十二
萬而竟敗皆蒙氏前事也我段氏有國抗趙宋三百十五年
元興內附命仍大理部闡會以建昌威楚姚安鶴慶東川騰
衝等處并三十六酋長悉聽節制百三十年今賴天聰遣叅
議張普招懷諭來領雲南王金寶之詔麾下又榜諭信苴世
夫民情向背基於撫虐天道損益應於謙滿可不戒乎且兵
久則變生事若則慮易莫若班師罷戍奉揚寬大比備觀儀

先遣張元亨詣麾下聽諭傳友德檄曰天厭元德命我聖皇
經綸草昧掃蕩機槍雷驅席卷四海來庭南徼異區恃其險
遠蟻聚蜂屯嘗遣諭使愈肆猖狂特命討罪兵臨曲靖直抵
滇池旬日之間千里寧謐爾大理未嘗遣使今書來乃云吾
兵烈如^猛火夫曲靖烏撒之戰白刃相向勝敗存焉况兵重地
人自為戰雖欲不猛其可得乎至邈其土著擄其妻子則未
之有也諸葛亮亘古豪傑不留鎮兵用其渠帥蓋一時權宜
鮮字仲通楊到以進出自屠沽彼豈將才哉今玄關之北日
本之南無不景附新附州縣悉署衙廣戎為萬世不拔之計

領賢之說前憤梁王殺我使者故有是命如發兵共滅虜副
前約而大兵南下及率衆為援聞敗而遁又敢大言以祈前
詔乎亞降當即奏聞否則深溝高壘以俟兵至欲為城下之
盟必不可得汝其察之

丁未白虹貫日
庚戌致仕叅政何真為山西左布政使

令天下朝覲官薦士

詔諭烏蒙烏撒東川諸夷其洗心滌慮効順中國
是月宣德侯金朝興兵次臨安元右丞兀台元帥完者都土

首楊政等降

裁臨安府衛改武定路為武定軍民府土酋

高勝知府事

二月命駙馬都尉李祺賑河南水災

癸丑前軍都督僉事謝熊弋預左軍都督僉事馮誠署雲南

衛時簡致仕武官五十七人分子雲南僉五日

諭水西烏撒烏蒙東川芒部霑益諸酋各通道博十丈六年

里置驛

兩寧衛指揮僉事單發為右軍都督僉事

甲寅詔平雲南

乙卯置雲南布政使司汝南侯梅思祖平章潘原明署司事
勅傅友德藍玉沐英曰雲南地土古遐荒禹跡所奄屬之梁
州漢隋若唐莫不內統將軍率精兵不逾五日取之自非重
臣未可付委特命梅思祖潘原明暫假布政司事平定之後
除代為真

張適曰滇自楚莊躋略定之遂留自王也至漢建元間王
恢唐蒙司馬相如王然子等所招林降下之者種以十數
置益州郡而云自靡莫之屬滇為大今之縣為昆明者也

州至標榆古曰雋州及所謂其棟者今之大理也臨安者
本向町王地所為切人僰人也漢為牂牁郡而蒙化者漢
之永昌由靖者舊為東西僰者也自雋山東北則徙斯
為漢嘉而符在雅州則符蜀之徼也且漢初略夜郎置犍
為郡即今之戎州乃發卒治道自僰道指牂牁此又漢疆
地之次也又云自滇以西來自毒國往不閑昆明則雋之
南昆縣也此又自滇略通徼外之跡也且滇在禹貢為梁
州界井鬼所屬分則固非九州之外窮荒矣地又沃穰千
里名為富饒水土之美生物之盛千百他所雖絕遠其為

要劇可知矣今道所從入貴州古之鬼方也道隘且要假
令一夫倡狂則懸車束馬之塗不知所出矣且以今兵威
因秦時額略通五八道黔中者大索之諸夷聞廣為岐涂
何不可哉夫制禦者先之形便則威無不迄久安者據其
要領則無偏廢不舉之患所謂楹吭拊背建瓴之勢在我
則雖有邪謀變計何能為乎且與其緣險塞徑懸度臨不
測道一孔之所出孰與交衢四注分裂其支郡而關梁出
入動悉由我有事若從天而下豈足道哉又按漢所為關
沫若梁孫水者若水出蜀旄牛徼外南道越雋印都以至

一 犍為朱提於江所謂朱提銀者是水之所出自其界
來也而犍為故役屬西南夷又豈假他道哉

命已賜六部尚書侍郎馬

已未左通政張統儀鑿司副使宋昱為雲南左右叅政通政

同左叅議韓鎬試左通政范祖為左右叅議賜勅賦詩二

章以待行

七 田琉球入貢

為廣勅傅友德藍玉沐英曰雲南諸夷古自叛服不常馴服
之道必寬猛適宜兩漢十叛諸葛亮平其地終亮世不反亮

卒後四叛唐九叛元七叛將譚觀此非惟制其不叛重使其
無叛再叛又叛蓋王在共曰重而許之曰叛不常隨
丁卯應天衛指揮使丁德為左軍都督僉事
辛未改製使節

置天名縣雜食為五縣九縣
甲戌天鼓鳴

翰林典籍劉仲所為禮部尚書

夜大星自七松流天市東垣波

乙亥南雄侯趙庸盡俘乳源山盜

募商輸粟雲南中鹽

是月播州盧懋使司隸貴州

閏甲申命禮部定諸司移牘

南雄侯趙庸平陽山歸善等蠻寇

丙戌田中黑水並並姓大與之曰天大與至捷矣

改雲南威遠府為威遠州

夜次赤堤自沅流游氣中改

戊子黃平衛改千戶所置平越千戶所改衛

甲寅賜雲南諸土酋冠帶誥勅任知州等官

置楚雄衛西諸王皆以城郭諸城皆以城郭

七未立曲靖衛軍氏指揮使司

戎戎勃征南將軍穎川侯傅友德左右副將軍永昌侯藍玉

西平侯沐英取大理

癸卯西平侯沐英進攻大理克之初元大理宣慰使段明楹

下關王使定遠侯王弼由河水東趨上關自率眾抵下關而

使都督胡海洋夜從閣道出點蒼山後立旂其上昧爽我軍

抵下關英騎涉河水齊馬腹壯士被羽先登閣破伏軍從後

夾擊拔之擒段明分兵取鶴慶略麗江破石門閣下金齒由

吳軍里平緬等咸降諸夷悉平段氏亡其臣楊名楊保皆自

經國人義之合葬於佳山

昔楊慎白滇變於三代為荒服漢僅割分其地雖胡元力勝

之而不能守也於今列箐落而郡縣之馴介鱗而冠裳之

華風滬澤同域共貫昭代恢宇前是孰並傳稱神農地

遙相貫取表幾近是哉

高岱曰黔中右南詔地在鬼方之西漢武帝通牂牁羗

至鑿昆明池於長安習水戰固嘗銳意圖之而點蒼金齒

之域終未能帖然蓋以版圖唐二勤兵至覆師四十萬自

古及今未有郡縣其地寧謐抵定無反側如今日之盛者
蓋由聖祖神謨聖略而諸將規畫甚詳故能變荒裔為
文明道路險夷與兵將分食之機攻取前後之勢歷歷如
指諸掌雖生長其地習在戎行者未能若是之悉也天生
聖人豈偶然哉

甲辰諭刑官曰笞杖雖輕亦傷肌膚自今犯者送滁州種首
著笞十者十日杖十者二十日
乙巳置平緬宣慰使司土酋思倫發為宣慰使改車里路為
車里軍民府土酋刀坎為知府

三庶成朔置順寧府土酋阿悅貢署府事

辛亥置鶴慶府土酋高隆署府事

壬子置普定軍民指揮使司

乙卯承勅節茹端為通政司叅議尋轉通政使

令天下僧道田土不得賣買

丙辰改國子學為國子監

中軍都督僉事陳清卒清募人善戰從渡江累功年五十七

追封合浦侯謚榮武懿鍾山之陰子亮襲英武衛指揮同知

置大理衛

丁巳翰林編脩吳況降渭源教諭未行除典籍
戊午定征南賞格遣使入雲南給勞之

己未定雲南所屬郡縣府十二州十三縣五十四
癸亥南雄侯趙庸籍廣東蛋戶萬人為水軍
勅孔帶為曲阜知縣五十五代孫

乙丑頒軍法定律

丙寅工部試侍郎趙俊為尚書吏部試侍郎李信為尚書吏
部司封員外郎朱同升之子為禮部試侍郎

丁卯顧欽嗣濟寧侯

庚寅官吏相過及公參禮

己巳賜雲南文武官祭服

庚午禮部郎中杜思進為戶部試侍郎

河決朝邑募塞之

辛未密雲昌平懷柔蝗

壬申大同衛知事朱安仁試戶部右侍郎

癸酉楷幣聘文學汪叔喻等

甲戌復選致仕武臣署雲南郡縣事

乙亥初昏熒惑犯右執法

丁丑置永昌衛

四朝厄廬州巡檢王德亨重信家本階州界外水銀青綠紫泥

乞匪取其地不工曰閩邊啟學帝王之深戒苟用兵爭利後

悔之無及

定封贈官制

置禮錄司道錄司總其教郡縣設僧綱道紀司

甲申徙故元梁王祀匹刺瓦爾密及威順王子伯等家屬居

耽羅

丙戌詔天下通祀孔子賜學糧增師生廩

故龍虎衛千戶俞賢南征戰沒賜祭葬

襄陽衛知事賈勳試兵部右侍郎

丁亥太白晝見

刑部總部郎中閻育試右侍郎

初昏辰星犯井

壬辰詔曰上帝眷我生靈統一以來時愆雨暘終未凶荒江

左民戒衣薄食助我興亡之供朕首定中原江西浙西為我

越大江入河淮抵北平而瀋河南山東民東供遠左北給北

平閩內民非攻山西而入閩中三省之民又皆悖實力田無

巧取無強凌弱今年夏秋稅糧盡行免之
癸巳工部尚書趙俊請飾東宮以青綠不許
命國子生沒者給棺歸其家
夜燄惑入太微垣端門
乙未改儀鸞司為錦衣衛

丙申定春坊為左右春坊設大學士左右庶子諭德贊善司

直

或戎設雲南各處儒學

己亥烏撒諸蠻復叛勅傅友德等曰諸蠻伺官軍散處故叛

耳曲請普安烏撒建昌勢在必守東川芒部烏蒙未可守也

宜聚大兵盪除之使畏威方分兵守禦

癸卯儒士吳顯為國子監祭酒

乙巳改岷州衛為軍民指揮使司

丙午戶部言天示進賦役黃冊多錯悞宜逮罪上回地廣

民繁悞不無也命官給費再造仍悞則罪之

旌遠東石城高希鳳家五節婦南河寨裴淑婦李氏貞節

正賊申陸賢為駙馬都尉尚海寧公主仲亨子

是期西倭蠻寇普定貴州衛指揮同知顧成擊敗之初攻城

堅壁不動徐伺其怠出北門挫賊

五月丙朔皇長孫雄英薨追封虞王謚曰懷

武談遷曰虞懷王本嫡長孫沒而王之其時禮制未定故也

丙辰封以皇太孫為當

乙卯監察御史雷勵坐失入人徒罪下法司按勵為刻戒

丁巳給囚米人日一升

己未新作太學成舊國學為應天府學

庚申五色雲見

辛酉遣祭武昌右衛指揮僉事孫靖延平衛指揮僉事馬驥

虎賁右衛千戶楊貴百戶嚴整驍騎千戶余清皆戰沒者請

貴整雲南清施州驥龍巖

乙丑上幸國子監及并釋菜再拜退御講堂親講大禹身

陶謨洪範宴儒臣頒釋奠儀注於天下

丁卯散騎舍人耿瑄為尚書司卿炳文子

置陽春守禦千戶所

庚午頒國子監學規

辛未試戶部右侍郎朱與仁試左侍郎

癸酉郭允道為戶部尚書舉賢良方正兵部侍郎王琚改戶

部西...
丙子廣平府吏王允道請開磁州臨水鎮鉄冶以獲民杖之
流海外
安南陳煒入貢
諭各省事凡勞民必奏上始行之毋擅役

丁丑遣行人初天下有司訪經明行脩之士年七十以下三
十以上聘送在京

是月...
上聞運卒溺海語群臣曰連陽早寒土曠人稀朕不
欲置行省勞百姓衛戍之歲餉海上非得已也每聞一夫當
航海之行家人懷訣別之意近復有溺死者朕通夕不寐爾
等其議也田法

六戊寅朔詔國子監官年高者值暑月及雨雪朔望免朝參

癸未四川茂州土知州楊者七謀叛官軍捕斬之盡徙羗民
城外

置大渡河守禦千戶所

乙酉命各道選郡縣諸生年二十以上願入國學者送京師
丙戌勅傅友德等曰知盤江道梗且乏食可留兵四百守水
西城觀霧翠動靜普定留兵如之兩軍合勢攻烏撒諸蠻食

其糧彼奔命不暇尚及搗我空城耶否則士卒饑矣
會同文昌縣人作亂廣東都指揮使王臻討平之
夜填星犯畢宿
辛卯勅安陸侯吳復平涼侯曹聚曰符到可疾報征南三將
揮凡烏撒烏蒙東川芒部盤江閩索諸蠻悉除蕩之爾二侯
攻擊柵寨安陸總兵平涼副之若通閩索崩路分戰嶺上當
分搗賊巢掩之使彼各內顧不能糾抗其旁土寨即未下侯
三將揮合攻必克也
貴州諸苗長皆來朝

雲南北勝州酋長高策甫七歲率所部降後十年入朝送太
學及長還為土官令所歷土官視效之若事之日即禁通把
事世置田宅以漁於民邊境賴之以寧

壬辰禁官民等服飾玄黃紫色

良王國樂工樂器冠服之制

雲南志成時命儒臣採訪六十一卷

癸巳改濠梁衛指揮僉事如臯朱顯忠贈鎮國將軍指揮使

洪武四年討文州藥師戰死

甲午暹羅斛國入貢

辛丑初昏大星自閣道旁流至大將軍沒太陰犯畢宿
是月沐英自大理還軍滇池會傅友德進擊烏撒

七朔申朔太白晝見

癸丑詔免曆日工錢初頒曆民間有司例徵工錢上曰頒
曆授時君職也正勿徵

乙卯故元四川分省左丞瓦剌蒙遣理問高惟善等自西番

煎爐長河西來朝尋遣還

蒙澤陽武河道

丙辰禮部侍郎吳玄為山西按察使

辛酉太白晝見

甲子解州學正孫詢訐稅使曾必熹故善胡惟庸今改名必

貴故元叅政黎銘逃王官谷為道士今仕聞喜訓導嘗訛謗

朝廷金工曰告訐非儒者事竟不問

丁卯彗見于西南

己巳勅西涼都督濮英及守禦都指揮宋晟曰七月二十日

彗出西南主賊兵自今回回之地有駝馬羊入止遣一二人

往視勿勿兵迎恐借貿馬伏兵也

勅征南將軍傅友德等曰人來皆云守禦無糧以朕坐料莫

若大軍守雲南大理楚雄臨安曲靖普安其子裡守禦處
如東川芒部烏蒙除烏撒見守令其人民給軍足歲餘且勿
駐軍使軍都督合往攻殺令諸蠻服畏然後從東川衛於七
星關南一曰羊烏撒北一曰羊立一衛令東川人民給軍足
歲七星關立一衛或烏蒙或芒部令其民人給軍足歲自永
寧南至七星關分中割一衛令六詔羿子等蠻給軍足歲郵
傳四達軍勢交通有變勦捕便可會合若深入萬山割而守
之深昧阻絕難制伏矣
旌新樂韓太初婦劉氏孝行太初以元知印例遷和州卒劉

氏事姑甚謹嘗割股和粥養不能還哀號五年上聞之資

其歸塋賜衣鈔

辛未李堅為駙馬都尉尚大名公主

壬申監察御史馬守中錄曰福建

乙亥前國子助教洛陽開濟試刑部尚書楊汝賢試侍郎

傅友德沐英進擊烏撒大破之斬三萬餘級餘遁又追捕之

丙子命天下諸司官朝明年元旦

橐色人坎地得黃金有司以進上仍歸其人

是月斬春侯康鐸卒茂才子鐸嗣爵後墜田鳳陽征辰州洞

獠平松疊諸州巡海從徐達征至是南征年二十二贈斬

國公謚忠愍葬幕府山子淵幼工武謀其入

宣德侯金朝興卒朝興策入從渡江定閩浙累功都督僉事

屬西平侯年西蕃洮河戎至是征雲南卒於會川年五十二

還葬太平門外追封沂國公謚武毅子鎮嗣後贈世襲平壩衛

八期丑朔詔復科舉期三年著為令

陳手陸曰古之選舉專論行令之進士專論文似相背馳

其然古以行舉者未必便保其終如茲科目雖以文進而進

士一科尤為世所重崇士登其目者未免自顧科名愛惜行

論檢不敢為非是勵行崇化之道實然寓其間古之辟舉蓋

幸異轍而同途矣

楊慎曰本朝以經學取人士子自一經之外罕所通貫近

身日稍知務博以諱名苟進而不究本原徒事末節五經諸

子則割取其碎語而誦之謂之蟲測歷代諸史則抄節其

碎事而綴之謂之策套其割取抄節之人已不通經涉史

而章句血脉皆失其真有以漢人為唐人唐事為宋事者

有以一人折為二人二事合為一事者予曾見考官程文

引制氏論樂而以制氏為致仕又士子墨卷引漢書律曆

志先其美命作先美其命近日書坊刊布其書士子珍之
以為秘寶轉相差訛殆同無目人說詞話噫士習至此卑

下極矣

己卯有廣東儒士上治平策上曰安有立說教士言不一
及用賢者乎

唐辰王寧為駙馬都尉尚懷慶公主

勅監察御史余公大錄因泰州

辛巳勅勞征南將軍傅友德副將軍藍玉沐英曰卿等南征
諸夷兵臨普定如風行草上風去草仰致有小疵及入雲南

擒首帥曲靖之西敗烏蠻可渡之北席卷金馬碧雞推豎敵

於點蒼山下金齒不戰率土而降雕題閩知獻生遣貢檄從

百夷之種威來小備之邦將軍勞至矣欲勞樽酒遠不能及

特以朕心勞之

先是戒死戎邊者多艱衣食上聞而閔之命還家取貲與

為期五十三人先至上喜宥之給費還里

嘉定縣饑貸倉粟二萬八千一百二十石

頒學校禁例十二則鐫碑卧明倫堂左

夜天赤星自天苑流至天園沒二小星隨之

壬午諭禮部以郡縣申明亭概書雜犯小過非懲惡之意自
今犯十惡奸盜詐偽有傷名義贖至徒者書於亭餘非干風
化一切除之
丙戌皇后馬氏崩 后微時依郭子興家事 上備極艱
苦每佐征討大策補縫行間雖貴極謙素不渝 上或譴怒
輒婉解朝夕尚食手劑之其謹微類此疾篤不復飲藥曰藥
無益徒為醫者累年五十一 上慟甚逾年宮人歌曰我后
聖慈化家邦撫我育我思難忘不忘懷思於萬年泌彼下泉
悠蒼天

丁亥百官奉慰命考皇后喪服之制京官入給匹布製服

戊子定 大行皇后喪禮京官入臨三日

己丑監察御史張良有罪下獄疏自訟貶雲南府教授

肥城知縣宜興陳好問上言秦為漢閭陌為唐閭元為國朝
之閭伏望慎刑罰昭勸懲緩差徭容直諫致中和以正顯文
明之治 上善之

延安侯唐勝宗長興侯耿炳文巡督陝西城守屯田
癸巳勅青平山衛指揮陳鏞擅遣軍三百人追逮補伍其至
京具陳其由

乙未勅傅友德等知大軍七月二十八日圍烏撒俘獲次第
見搜林等諸蠻烏蠻地山多徑隘必會合永昌平涼安陸三
侯王張郭三都督軍士一處彌滿搜索則彼無所逃匿近人
阻七星關來道共部烏撒二蠻夤夜持炬照道孛家竊翠地
方當令竊翠蠻盡出以獻關索嶺非古正道又在西北西南
甚為不隘人馬經行必令大軍蕩滌開通以接晉定芒部酋
目必盡獲之

丙申謚 大行皇后曰孝慈

丁酉秀才江夏魯恭為戶部尚書恭有學行

庶子 上始釋服視朝

辛丑作蜀王邸於成都

命吏部以七條考徵至秀才

壬寅秦王 檣 晉王 櫛 燕王 棣 周王 構 楚王 禎 俱入臨

靖州衛指揮僉事龐虎等勘地賄入調守霏益臨安二衛

勅傅友德等曰雲南糧餉甚難當有處置乃可久居舍人至

軍中令諭守禦軍人毋輕逃竄入蠻未有得出身地不被殺

深山中即亦墩木令種田也三侯三都督皆會合搜殺勿戍

軍無糧處可赤水畢節七星關各立一衛又立一衛於黑張

以南瓦店以北分布守定聲勢相犄水西霸翠用十萬軍盡
蹂躪之此等料度皆我坐笑得可行與否軍中聽便
營陽侯楊璟卒璟合肥人從起太平摧城先登從征江漢克
全永靖江贈尚國公謚武信子通嗣

黃金曰璟本俎豆中人而好軍旅其志在於撥亂濟世故
其用也威望著於分關功業見於專征我聖祖初平吳
即命徐達常遇春取山東胡美取福建璟取廣西廖永忠
取廣東四征而天下大定璟之功於是為大自餘隳城拔
砦執俘獻馘出於指揮談笑之間者又多足以潤色大功

蓋其甲兵素韞於胸中故其勲烈光昭於馬上諭蜀一書
識論偉甚見其文飾武古有所謂儒將璟近之矣若夫勝
負兵家之常固有如聖諭所及奚得以此而少之

是月萬州崖州人作亂臨陵水縣海南衛官軍擊敗之追至
藤橋斬三百餘人

九月未朔太白晝見
戊申勅傅友德等知盤江道未通無糧甚也符到水西但留
四百城戍看霸翠變不爾雲南普定亦四百戍之有糧蠻人
用合軍往攻莫徒困守空城譏我軍士且夫蠻應吾攻之不

暇更何餘力搗我空城
已商吏部以經明行脩之士鄭韜等三千七百餘人入見
上曰卿等固皆賢人君子山林之下又豈無如卿者其悉告
朕於是單縣儒士張寧薦宛平董倫復遣使徵之
己卯五色雲見

儒士蕭尚仁為潭府左長史辭老改平涼訓導等相二
諭吏部善待徵士其疾卒者有司給棺歸其家

己未夜填星犯星
壬戌始鑄御史印曰繩愆糾繆

癸亥始設各道按察分司儒士王存中等五百二十一人俱
試按察僉事人治縣期暮年轉官陞辭 上曰吏莫甚貪

庸鄙次之庶問糾舉勿蹈因循

致仕晉府長史桂彥良上太平治要十二事法天道廣地利
順人心養聖德培國脉開經筵精選舉審刑罰敦教化馭戎
狄蒐才俊廣咨訪 上嘉納之
甲子聖節以 孝慈喪免朝賀

乙丑戌逃軍於雲南
夜熒惑犯南斗

丙寅勅傳友德等曰九月乙丑熒惑犯南斗蓋天象示戒卿等宜加戒飭且蠻夷好毒水中將士飲食慎之

五色雲見

丁卯北平圍隘二百處俱設兵戍守

己巳夜大赤星自井宿天鐔東行丈餘沒

庚午葬 孝慈皇后於孝陵

占城入貢

壬申儒士沈士榮上章請召對條列事宜

上納之尋授翰

林待詔

是月雲南諸夷復叛初我兵分攻諸山寨雲南戍卒少諸夷欲我乘土官楊苴詔之曰總兵官回矣雲南城可下也糾衆二十萬來攻都督謝熊馮誠力拒發弩射之間出擊賊因連營為固沐英等自烏撒以萬騎至賊執我偵卒卒詔云三十萬衆且集因駭遁走安寧羅次等又勦平之

遷番島東莞增城降民四千四百餘人於泗州屯田

十朔子朔更置都察院監察御史一人 正七品 秀才李元明詹

徽等為之又浙江河南山東北平山西陝西湖廣廣東廣西

各道按察若此御史 正九品

桂林理定縣主簿宜君楊時敏罪戾雲南言家有母年八十
餘失侍九年乞便道省母就戍上憐之復其官祿養
勅傳友德等馮撒若平便趨芒部即平芒部烏蒙東川脫令
來歸且權待之莫責其虛實先調軍勦母役西蒲等處然後
復往下之最後乃下水西入
己卯回孝慈皇后主祔廟
辛巳夜有星自井流星宿沒
壬午署雲南布政司事汝南侯梅思祖辛思祖夏邑人本元
義旅從張士誠以右丞守淮安降於徐達從征晚撫夷方人

甚安之還整鍾山之陰

癸未刑科給事中栗恕試戶部右侍郎

詔天下來朝官各舉一茂才

丙戌增內使三百六十一人

戊子令各按察司精考儒學官

頒劉向說苑新序於天下學校

置徽州守禦千戶所

南雄侯趙庸討平廣東群盜

癸未秦王等還國

乙未詔齊王博之國青州

丙申命刑部都察院錄囚

夜太陰犯軒轅右角

戊戌諭刑部禁越訴

庚子定諸司錢糧刑名常行事擬大政事請旨處分

壬寅故平章月魯帖木兒自雲南建昌來朝

刑部尚書開濟言諸司奏劄輒千萬言難省 上然之禁煩

文出入人罪

癸卯北平有子訴父冤法司擬越訴之罪 上曰凡子訴父

枉者勿論

故驍騎右衛指揮僉事武陟李英從征烏撒戰沒贈指揮使

子堅駙馬都尉

甲辰大將軍徐達還京

十一月朔置雲南鹽課提舉司

癸丑冬至以 孝慈喪常服行禮

丙辰命天下衛所月鹽俱鈔代

丁巳諭都督府各都司不許役軍營造

高遜志試吏部侍郎張來儀為太常司丞

上海訓導顧或為戶部左侍郎
戊午依宋制置殿閣大學士禮部尚書劉仲質為華蓋殿大
學士翰林學士宋訥為文淵閣大學士檢討吳伯宗為武英
殿大學士典籍吳沉為東閣大學士質尋降監察御史
庚申宥振武衛指揮桑桂以積勞併復其官

辛酉五色雲見

徵耆儒崇德鮑恂上海全思誠安吉余詮高郵張長年至京
恂年七十餘皆年七十餘禮部主事劉庸薦上賜坐顧
問拜文華殿大學士皆辭老上曰留卿等輔導東宮耳免

早朝從容侍對不久聽還庶不負卿平生恂等復因辭皆放

歸又鄧州張紳後至授鄆縣教諭恂少師吳澄著大易傳義
等書學者稱西溪先生思誠等並著學行上海縣志思誠為

文華殿大學士兼左中允致仕勅曰卿懷才抱德右人

惜乎以衰老之年志雖存而力不能任朕不忍復勞令卿還
鄉里以撫子孫享其奉養

廖道南曰粵自嵩山茹芝具鴻寥落上下千載數人而已
思誠勅賜恂詮被寵麗眉皓首安車蒲輪雖竹帛所載圖
畫所傳何以加焉

戶部左侍郎程照為雲南里鹽井鹽課提舉司提舉

壬戌修國子監書板

甲子儒士董倫為右春坊右贊善

丁卯勅各都指揮使詢所徵秀才為僉事者具行實以聞

上以浙江江西民好訟諭戶部頒示江浙民各改過從善永

為遵守

普定軍民知府者額來朝上手作諾賜之

郭子章曰貴州知府我明自者額諾文見御製文集者

願能讀漢書拜為知府奢香入覲金陵封為夫人高皇

帝所以羈縻者意可知已今或一使之思過之犬羊誰詬

之欲其無躡躅得手

戊辰都察院以巡按事宜額按察司

己巳夜太陰入氏宿有大星自天苑流游氣中光燭地没

庚午吳印張統為雲南左右布政使

今布政司造兵器毋衛所自作

壬申監察御史任昂為禮部尚書翰林典籍李紳為侍講學

士以

署雲南布政司事平章潘原明卒原明泰州人從張士誠起

兵後歷浙江行省平章守杭州降入朝食祿不署事世指揮
同知賜葬鍾山之陰

癸酉置五軍十衛參軍

兵部尚書唐鐸為諫議大夫都御史趙仁為兵部尚書

是月裁故元廣西路宣撫司置廣南府土酋儂郎金為同知

十二月朔封中軍都督僉事李新崇山侯孝陵功

故元平章用魯帖木兒為建昌衛指揮使土官例不俸特給

之

辛巳日中黑

癸未故驍騎右衛指揮使郭妾柏氏贈貞烈德人氏殉死

旌典降正妻一等

浚揚州儀真河

乙酉定僧道服色

丙戌詔各部速繫人悉送訊刑部

辛卯以班平大水傷稼許月給屯軍米毋苦饑

丙申定雲南安寧鹽井中鹽法

戊戌定河泊所官凡天下河泊所二百五十二

己亥永城侯薛祿南雄侯趙庸懷遠侯曹興練兵山西

夜天赤星自天舩至天火將軍分五星至奎宿没
唐子訓導滿九年為教諭

辛丑罷濟南青萊採鉛

是月勅通政使曾秉正曰朕觀昔帝王之用臣也無疑而臣
懷奸者奉君多智是有作聰明探王嚮是非喋出斯古人所
以歿姓陷身爾秉正聰敏幹辦凡有言慮朕常聽從何其計
出多端自欲深根後程乃有效古殺身之奸夫鰥寡孤獨聖
王先恤爾誦古聖是非曉然矣朕憐爾才能免死免竄使還
鄉里爾鬻四歲小女聲曰為資昔人有云忠臣去國不潔其

名爾何如也既不能父難種於父朕命閣是其罰矣

正朔也朔地工御殿朝賀不舉樂
賜琉球國中山王察度山南王承察度各鍍金銀印時中山
王山南王及山北王怕克芝爭雄長於工各勅諭之

丁未詔諭雲南諸蠻遣紀事奉御徐保諭大將軍今年至十
月月三日犯畢主天戰防水海屯軍浦自穿井全路四都中山
五戌申白虹貫日經路買不舉與
壬子諭刑部尚書開濟都御史詹徽等曰論囚須原情毋深
致人罪昨有子犯法父求賄免御史併論夫父救其子人情
也朕赦之自今論決必覆奏

甲寅夜月食

丁巳國子祭酒河南吳顯免以武臣子弟急學也

戊午魏國公徐達鎮北平

辛酉勅松州衛指揮僉事耿忠賦西番民馬三十戶輸一

壬戌文淵閣大學士宋訥為國子祭酒

命徒流而下代農民力役贖罪

烏撒烏蒙芒部三府隸四川

曹國公李文忠兼領國子監事以公侯子弟多怠學特勸勵
之

二月亥朔上觀唐太宗帝範嘆曰此十二篇雖於古帝王有
間然子孫克守其言唐不世世哉故祖宗之法有國所當守
也

丁亥旌安平烈婦張氏氏字國子生翟德德竊比舍生物氏
耻之自經命旌於父家

己丑東閣大學士吳況等進精誠錄 上覽而善之

丙申令各郡縣儒學歲貢諸生一人於京師

故元雲南右丞相觀音保參政劉重、不花等送至京授觀

音保全齒衛指揮使賜姓名李觀

辛丑開濟實授刑部尚書

勅遼東都指揮都指揮使滿敬葉旺曰二月六夜太陰有象
主胡兵入寇已發兵屯真定北平如果犯遼即以北平兵邀

歸路毋逸

故元軍士占籍為民相告者不理

三卯辰朔勅傅友德等卿等久勞於外班師之期宜自審度復

勅沐英大軍一回恐被相煽為患爾留鎮之

永免鳳陽臨濠二縣徭賦

罷天下郡縣按察分司

定詐偽律條

乙卯故龍虎衛指揮使胡斌戰曲靖黑松林中矢死贈都督

同知胡海洋子

勅四夷及土官入賀者會集近畿同入京

四明咳六上語侍臣曰人君不能無好尚功好則貪名者進好財則言利者進好術則游談者進好諛則巧捷者進有好即累其心故好功不如好德好財不如好廉好術不如好信好諛不如好直

松潘等處安撫司納馬置驛

庚寅刑部尚書開濟議法巧密上曰竭澤而漁害及鯢鱓焚林而田禍及麇獸巧密之法百姓何堪非朕所望也辛卯故錢塘衛千戶全椒袁興從征雲南贈指揮僉事

故元海西右丞阿魯灰求內附勅勞之

賜暹羅占城真臘諸國勸令驗朝臣出使者

五月己勅天下衛所習射各月十選其一起京比試

戊午廣東都指揮使狄崇乞封妾何氏淑人不許

庚申定嫡妾封贈及文官封廕例

六安侯王志安慶侯仇成鳳翔侯張龍督兵往雲南繕城立

屯置郵傳安輯人民

免應天太平鎮江寧國廣德田租

六朔朔勅傳友德等近聞永昌侯軍出食瀘叙意甚佳也第

不知何時可過幾時若駐瀘叙不久欲還曲靖等處不知秋
收可幾何地產民賦可幾何計至明年新穫之交可不懸心
人來言亦九子寨蠻寇通四川恃險不賦時出中途損我軍
士莫若於內踐食一冬擒獲其人亦使之畏來春軍還休瀘
叙可爾

甲戌刑部尚書開濟議五六日旬時三審五覆之法 上戒

毋徇其名

選舉儒士

定考覈之制

改都察院正三品設左右都御史副都御史各道按察
司從三品設按察使副使僉事

己亥勅傳友德等聞雲南老人言死可伐地方三十六路其
初元人皆有之後乃析入蠻當元之世雲南大理不知其蠻
又侵楚雄西南 遠幹威遠二府以此觀之不可不備還軍
遲速尚宜度思其亦九子寨戎縣地面五村大壩上下落鄉
十池等處及黃平羅木洞蠻靄翠管下阿呂南宗碎瓦莫得
阿胡 等蠻助烏撒叛者大軍所過就便合勢略加以威如
可行之不可還軍軍還須從黃平辰沅岳州直至武昌載舟

為便
是月倭十六艘寇金鄉衛拒卻之

七廟成
上謂侍臣曰自昔興王勤儉亡主奢侈其失得可鑑
後人不知戒何也大抵心清則無欲無欲則不受縱苟心縱
則驕奢淫佚日至不旋踵而敗矣
熒惑出太微垣

御史錄囚各省

山西左布政使何真致仕還廣州集舊部兵校二萬餘人送
京師

癸丑勅傳友德等朕思還軍一節尚恐未可由請等處雖支
吾近餉未見謀及冬春假令曲請下種一百餘石不過收稻
六千餘擔僅得四千餘米守禦軍士月約三斗計不耐冬盡
欲待明歲夏麥何以充腹若守軍無糧大軍一還必至逃散
城虛復作患矣計雲南尚有未服蠻夷可攻而取其糧待諸
郡收穫乃還大軍符至多方思其便

戊午更定冕服之制

丙寅武德衛指揮使梅義子思祖為遼東都指揮使

庚午太白晝見四日

八月申朔日食

癸酉令內臣張林徵鳳陽親隣二十家赴京予衣履入見謹
身殿宴奉天殿左廡宿於會同館明日早朝入見 東宮各
賞鈔宴 上親送之西長安門

甲戌則上諭右僉都御史詹徽等曰 比者政事苟且上下
相蒙闔郡連歲不聞有所激勸或乃云吏稱民安其令御史
及按察司巡歷訪察之

丙戌東閣大學士吳況進講後期降翰林侍書尋改國子博
士

戒武臣毋受民囑託校有司

旌邳州孝子李英

九 朝丑朔國子生親在三年一歸省仍許歸娶奔期喪

壽節復常儀不舉樂

癸亥申國公鄒鎮為征南將軍臨江侯陳鏞濟寧侯顧敬為
左右副將軍率兵討江西龍泉等山寇時廣東程叛江西永
新龍泉縣民煽動都指揮同知戴宗剝之不克

鳳陽大龍興寺成即皇覺寺有御製碑

遣給事中請戒

命來朝官豫進功業冊

十月未朔授武定軍民府女知府商勝中訓大夫誥賜冠服金帶故土官法叔妻

劉文徵曰施羈縻於夷狄非終首穿鼻之術蓋授之爵賞被之章服俾自為治而用夏之變興焉全滇諸夷其麓不億而提其綱領則自土知府而下數等列冠帶者百十人或縮符與銅墨雁行或桿團與游徼旅進或沒齒不與期會或經年不釋介冑深山荒服崩獸角以奉版章棘矢桃弧賈龜怒而敵王愾無選擇更置之勞有奔走禦侮之効

此羈縻之善物也其或負三苗之困雄夜郎之大踈疾病

於指脛縣疣阮於喉吻潰癰必決而存亡繫之矣

召魏國公徐達雄武侯周武永平侯謝成鞏昌侯郭子興南

雄侯趙庸永城侯薛顯都督僉事馬雲蕭成還京

高麗八貢卻之命禮部移檄責其斯詐如聽約束當輸前五

歲失貢馬匹金銀

辛卯右僉都御史茹太素降翰林檢討

壬辰太白晝見三日

乙未頒御飲酒圖於天下

是月安陸侯吳復卒於普定復合肥人以義兵自歸累功都督僉事從沐英平西番洮州既封再征普定及廣西泗城州蠻殺獲甚衆妻楊氏年十七自經還葬鍾山之陰追封黔國公諡威毅子傑嗣未年降南京衛指揮封楊氏貞烈淑人郭子章曰吳黔國定普定卒於盤江衝冒矢石體無完膚所謂以身殉國非耶至於艾妾自經以殉黔國忠臣烈婦

萃於一門主臣夫婦無遺恨矣

十一月祀李永文翁張詠於成都祀黃霸於鈞州卓茂於密縣祀陸遜抗凱於松江祀李龍遷於隆州祀狄仁傑於彭澤

祀謝夷甫於建州祀李黼於九江祀李宗可於安慶義兵萬戶守佐余闕戰守同時死定朝恭官吏坐次

命在外上表箋必遣職官

諸司來朝及使還者先朝見後詣所司

十二月朔賜在京官民元旦元宵節錢

歲貢生部試後送國子監

武英殿大學士吳伯宗以第三河知縣吳仲實薦舉失實降伯宗翰林檢討

陳仁錫曰坐其弟薦舉不以實降官國初之嚴於薦人也
甲午刑部尚書開濟及侍郎王希烈即中仇衍王事王叔微
等伏誅濟強敏綜核上最委任怙寵整人善深文莫能自
脫又置簿曰寅戒之書限僚屬出入上責之曰古人所入
西退今違之非人情濟不聽嘗揭部例於文華殿上又責
之其鬻獄借死囚脫代獄官發之竟捶獄官死又嘗竊人驢
勒賈役甥女閔氏見劾每懷奏不即上務伺旨觀望上怒
下濟獄廷訊并誅希哲等蓋濟雖才辨而狡毒諛悅終亦不
自免也

甲子洪武十七年

正朔亥朔定軍士脩城毋得役民

己巳孔訥襲衍聖公孔子五十七代孫

優給故官家屬

丁未郊

戊申旌山陰徐允讓及妻潘氏節孝允讓嘗值寇斫其父安
頸大呼曰寧殺我母殺父寇果舍安殺允讓將辱潘氏給曰
夫死從汝必矣若能焚吾夫則無憾也寇信之潘聚薪焚夫
即投火中死至是有司以聞上以允讓能捐生以拯父潘
氏能紹賊以全貞詔旌其門

左僉都御史詹徽為左都御史戶部右侍郎栗恕試尚書參
軍府左參軍劉達試刑部尚書右參軍麥至德試工部尚書
右僉都御史邵質給事中徐文顯試刑部左右侍郎虞部即
中韓鐸試工部左侍郎工部總部即中李端試戶部右侍郎

進左右都御史正二品副僉通進

須文達那國入貢

己未勅景東土官俄陶為景東知府麓江土官木德為麓江
知府土官那直沅江知府高政為楚雄知府阿散太和縣正
千夫長兼試千戶

命文官居憂歷職五年無過者給半祿終制三年者全祿三

月

壬申信國公湯和巡視浙福山東海道

甲子起余燦吏部尚書

丙寅諫院右司諫官賢翰林侍讀學士李昉為山西浙江左
右布政使

遣僧智光等使西天尼八刺國

二己朔定吏員考滿陞轉出身資格

定天下諸司移文式

三戊戌朔頒科舉條例五經皆主古註疏不專宋儒也

曹國公李文忠率文忠字思本臨淮人上之甥從起兵定

浙終北元上都沉厚誠恪釋近儒生逡巡書史勸上少殺

僂又諫官官太盛上怒其館客教之盡殺其客遂病悖不

治又族誅諸醫及侍婢六十餘人年四十六追封岐陽王謚

武靖賜葬鍾山之陰子景隆嗣

蘓伯衡曰偽吳之滅由王覆之諸暨元祚之終由王感之

應昌遠若西蕃之地無不涉歷而疆理焉所謂有以服人

於智力之外而勲蓋世者哉皇上眷遇加異無間存設

固自繇此非徒以肺腑故而崇獎之也

王世貞曰岐陽王不數為大將將輒有功敦詩說禮有儒者風斯所以肺腑哉高帝起民間妻更廢饑饉兄之子獨大都督文正姊之子獨岐陽王大都督不善居勲父子以廢徙而高帝念之不絕蓋二百餘年而南面猶故也臨淮之紹侯其亦高帝遺意哉

袁孝曰岐陽王高皇帝姊子也以肺腑之親攀風雲之會東征西討所向輒克五出漠北深入不毛之地克上都破應昌殘胡竄匿獸駭鳥散繫孫子擄名王雪白登之夙

耻攄青衣之積恣壯矣哉雖李靖之禽突厥介子之斬樓蘭莫以過也家居恂若儒生賦詩雅歌有祭征之風詩曰文武吉甫萬邦為憲吉甫有馬

庚子征南副將軍申國公鄧鎮等平永新龍泉山寇

丁未江夏侯周德興請決荊州嶽山壩以通水利從之歲灌

民田增租四千三百餘石

征南將軍穎川侯傅友德左副將軍永昌侯藍玉班師入朝

停賢鈔

定有司祭祀僧道官不預

甲子大赦

丙寅改刑部都察院大理寺公署於太平門外名其處曰貫

城

四期辰朔頒一事於州縣為掇令

壬午論平雲南功進穎川侯傅友德穎國公世襲永昌侯監
玉安慶侯仇成定遠侯王弼並世爵祿二千五百石封後軍
都督僉事陳桓普定侯右軍都督僉事胡海東川侯前軍都
督僉事郭英武定侯張翼鶴慶侯世襲祿二千五百石賜鈔
券餘將校遍陞有差

癸未賞征南將校正總兵綵幣二十雙鈔百定餘有差

更定內官六尚局品秩

濟南衛指揮何誠言幼孤伯父子之雖先人已贈乞推恩伯

父示報事下禮部謂宋右僕射李昉封其繼叔兼贈本生

上乃許之

己丑旌釣州卜者張宗魯孝行宗魯幼瞽避亂負母路氏由
事之終還鄉合葬

庚寅收征南將士遺骸棺葬之

德慶侯廖權卒賜塋安德門外永忠子

己未翰林編修吳伯宗卒伯宗金谿人洪武辛亥進士第一
溫厚詳雅博學能文所著南宮集使交趾集成均玉堂集
五朝且平越衛指揮使鳳陽孫恪仍為後軍都督僉事

辛酉吳高嗣江陰侯吳忠嗣靖海侯

是月勅運東守將唐勝宗絕高麗必歲貢如約始許之

六月丙朔詔天下官吏朝正且書功於冊圖土地人民俱臘月

臨盡五日畢至唯雲南遠徼免之

庚午上御奉天門諭群臣曰治天下之道惟禮樂禮樂必

並行然後化淳或以有禮樂不可無政刑此特輔禮樂為治

耳卿等宜加意焉

辛巳命禮部作大成樂器頒天下學校

置郡縣醫學陰陽學

夜長樂縣大風雨潮溢

高麗謝罪請進馬二千匹代貢金許之

丙戌歲星填星太白聚參宿

辛卯福建按察使郵縣陶厚仲僉事上虞謝元功劾左布政

彝州薛大方貪淫上即令按察司訊之大方亦誣辯並逮

入聽於都察院大方伏誅洪武四年進士厚仲元功復官闈

人快之
乙未睢州河決
作國子監祭服
七期戎勅內官毋預外事諸同母與內官監移檄來往

作朝天宮

上御東閣語翰林待詔朱善等曰人主以天下之好惡為好惡則公以天下之智識為智識則明又曰君子揚人善不揚己之善貸人過不貸人之過又曰萬事不可以耳目察惟虛心以應之四方不可以智力服惟誠心以待之

己亥徐允恭署左軍都督府事徐達長子

癸卯曉太白犯天鐔

丙午諭吏部嚴薦舉冒濫其申嚴之凡考覈務從至公

許迎養父母者皆官給舟車

甲寅遣國子助教楊盤等使安南徵糧助餉雲南陳煒即輸五千石於臨安

命吏部簿錄朝覲官所薦屬官及儒士人材記其舉主姓名任滿考當否為黜陟

免應天太平鎮江寧國廣德滁和今年官民田租之半

諭戶部定里驗丁糧贏縮產業厚薄均其力

丙辰皮作局大使許士哲工言治道之要明賞罰以清官吏
問疾苦以安生民均賦役以甦民力嚴銓選以擇賢才棟精
卒以杜妄費興武舉以羅英才崇節義以厚風俗明禮義以
教萬民立平準以利商賈置常平以惠農民用直臣以任糾
彈開言路以通民情滅亡胡之餘燼以絕後禍監前代之興

亡以壽國脉 工嘉納之

北平降卒編入京衛者悉放為民

徵士陳過卒遇字中行江陰人元温州教授退歸顏其堂靜

誠 工渡江即聘之最眷注嘗曰吾子房也所奏對秘不示

人嘗三幸其第屢拜官不受最後辭禮部尚書遂不復強時

稱靜誠先生賜祭塋

楊士奇曰予聞先生志尚清遠興韻蕭散游心繪事嘗寫
高皇帝御容妙絕當時然未嘗自名世亦無能得之者先
生有弟中復嘗隨入侍永樂初授翰林待詔予數得晤語
其為人端重清雅不苟言笑間出論議疑、近道亦妙繪
事為 文皇帝所重時中復子孟顯以善書從予翰林簡
靜脩潔絕口不道繪事予間與中復語及之曰此見頗有

志操不屑意鄙事者也少年在先生側戲弄筆墨先兄叱
曰吾豈他無一長汝乃習其下者今雖老每思前言未嘗
不內媿然無及矣嗟夫先生履素操潔識明義正革運之
際躬荷知遇卒完所守以沒雖一藝所耽昔人不免春苑
池之屈先生浩然之氣不為時屈非一世之豪哉

林之或曰異哉陳公謂其冥鴻而時在帝旁謂其從龍而
不受帝職客星之位不賓之臣與功名非不可記而皎
霧外思若起羊裘叟而媲美之者真聖代異人也士各有
志玩世與用世不同李贄乃謂公在劉誠意恐非確論

馮時可曰陳先生抱懸慕之姿日侍斧扆而始終不就一
官確乎其不可拔潛龍哉其於四皓咸以布衣匡天下四
皓四出不留先生久留不宦要於無所緇染歸潔其身鳳
集鴻飛抑何以異至於削草焚札民無得而稱陳群之長
者何加言工所以屢嘆君子也

朱國禎曰靜誠召見時年方強仕非秦元之篤老比曾為
教官亂而退隱非輕世肆志者比得遇聖主參幃幄蒙賞
賜非洗耳投淵果於忘世者比其決於辭官辭而皇祖
亦不力強比其人本末可知始為秦元之所薦既又合薦

陳文輝博得飛龍在天一書聲氣學問自是儒者一派
文輝辭於始應於後卒以迂滯投金水橋以死靜誠逃死
非逃官也當日興王景象得此數人自負未肯即臣
皇祖因而風厲待之非三傑非四皓外不失尊禮之名而內
收豪傑嚮用之實豈與用事諸臣課功實分高下哉

秋暑命刑部慮囚

景川侯曹震請征容管勾沿邊大旺散毛等洞蠻又西番名
朵甘思曩日族不許

丙寅朔庚午漿陽侯鄭過春東川侯胡海督金吾等衛造海

舟百八十艘

壬申平緬宣慰使思倫發八育平緬在西南夷稍遠自雲南

大理越金齒至其地所謂百夷也元時屬緬甸產象馬

河決杞縣遣使者塞之蠲田租

癸酉通經儒士陳玄為右僉都御史林文為左春坊司經局

試正字

壬午詔撰皇伯春壽王墓文立石

癸未定考績法

乙未儒士婺源汪仲魯為左春坊左司直郎仲魯舉明經講

尚書西伯戡黎工甚喜之
諸州不及三千戶俱改縣凡三十七

九胡成懷慶府戴莊湖廣都司副斷事高翼俱為右僉都御史

靜寧州判官元善為右僉都御史東昌教授馬獻為左春坊

左贊善

己亥前瓊州知府趙瑄為左春坊左諭德

征南士卒悉為小旗免比試

更定親王冠禮

命布政司儲備兵食邊衛足三年內地足二年

十月申魏國公徐達上北平諸衛更卒之數凡十七衛計更卒

十萬五千四百七十一人

後軍都督僉事陳文卒文合肥人少孤事母最孝力農致富

從渡江年六十追封東海侯謚孝勇本朝謚孝正文耳

冊淑妃李氏攝宮中事

丙子河南永平水命駙馬都尉李祺歐陽倫王寧李堅梅敷

陸賢賑之勅河南布政司及守令曰大河之水天泉也所在

牧守仁心吏行事如律即蜿蜒東注無摧山裂石之勢若牧

得吏不仁不律則洪流洶湧波濤駕平野魚鱉游園林河南

河水瀰漫數州民居皆徙朕日夜究心特命駙馬祺等往賑慮不足厚給之恩爾奉行無怠

復連東海運

置稽疑司尋罷

乙酉景山侯曹震言四川貴州二都司易番馬四千二百五

十匹請分給陝西河南吏卒又自眉州峩眉至建昌古驛

平衍無瘳毒宜通其道從之

丙戌左春坊左諭德趙瑁為禮部尚書秀才王斌試左叅軍

史玄齡歐陽旻試右叅軍

丁亥秀才宋矩等十七人為監察御史周煥奎高孟文為翰

林院簡討

成都府吏訐知府張存仁不聽

閏十月未朔工曰閩方面官多侵郡縣職失治體自今民間庶

事自州縣始縣有不公州理之州有不公府理之府有不公

布政司理之布政司所任非人從按察司彈糾之亂政擾民

者罪無赦

令天下論獄皆屬都察院評允送大理寺審復乃決之

欽天監博士元統言曆法隨時脩改今曆名大統而積分猶

授時之數授時曆以至元辛巳為曆元迄今甲子積百有四
年推曆法得三億七千六百一十九萬七百七十五分經稱
七十年差一度每歲差一分五十秒辛巳至今年數漸盈漸
差天度迄今以洪武甲子歲冬至為大統曆元推衍得授時
曆辛巳閏准分二十萬二千五十分洪武甲子閏准分一十
萬二千七十分一十八秒授時曆氣准分五十五萬六百
分洪武甲子氣准五十五萬三百七十五分授時曆辛巳轉
准分一十三萬二百五十分洪武甲子轉准分二十萬九千六
百九十分授時曆辛巳交准分二十六萬三千一百八十分洪武
甲子交准分一十一萬五千一百五十分八秒蓋七政之原逆
疾逆順伏見不齊其理深奧實難推演聞唐勘司令王道亨
有師郭伯玉精數法請得同之推演大統曆成一代之制
上是之

楊廉曰前代之曆唐虞三代無可考自漢至元凡四十餘
曆漢興四百餘年更三造曆唐興三百餘年更七造曆宋
興三百餘年更十一造曆國朝大統曆採用元授時曆
自洪武至今百四十年未嘗更造而一一皆驗真可以行
之永久矣授時曆乃許平仲郭守敬所作知曆數明曆理

恐古今未有過之者其法不用歷代積年日法最為簡易
項山丘氏太學衍義補引洪武中博士元統之言謂授時
曆元年遠漸盈漸差天度擬合脩改改之統所改元推步
不應曆冢尚仍授時之舊而丘氏復謂今去統時年遠數
多所差益甚是亦泛論焉爾曆法疎密驗在交食今日月
之食分秒不差又何得而疑之哉

永城侯薛顯母卒工部請給棺不許謂功臣恩典自上裁非
可請也

魏國公徐達還京

癸亥清類天文分野書成二十四卷頒諸王

十一月十一日御東閣謂侍臣曰責難之詞人所憚聽明君受之

無難諂諛之語人所易從昏主信之尤入右春坊右贊善董
倫曰惟明主能慎擇之上曰責難不入於昏君而諂諛

難動於明主入臣事君在守正矣

丙寅江西布政司叅政胡昱請討金山納哈出不許昱故
元降將也

己巳勅孔希文為曲阜知縣孔子五十六世孫

文官年七十許致仕給誥勅

雲南左布政使吳印還京張統為雲南左布政使

壬申牛誠為駙馬都尉尚崇寧公主

癸酉鞏昌侯郭子興卒子興臨濠人從滁陽王麾下轉事

工備宿衛往、累劄力戰年五十四追封陝國公謚宣武

黃金曰子興以瓌瑋之資自開國以來從龍上下盡瘁所

事所至以英勇聞是故攻無不克戰無不勝視轉萬里之

遠歷歲之久若堂與朝夕焉雖鋒矢交集饑渴不時咸

不避悔必盪穢渠凶歸報終事乃已卒能為國恢拓疆宇

勒勲西陲誠可以不朽矣其亦人傑也哉

丙子宣寧侯曹泰自貴州水西市馬還得五百匹

楊通嗣榮陽侯璟子

十二 寅翰林待詔朱善上言國重世臣家重世婚今民間婚姻

之訟甚多兩浙江西尤甚問之皆舅姑兩姨子若女蓋以法

不當婚故為仇家所訟或已聘而見絕或既婚而復離至婚

嫁已久見女成行有司尚爾逼奪使伉儷分離子母永隔冤

憤抑鬱感傷嗟歎議律不精禍一至此按律尊屬卑幼相與

為婚者有禁若謂父母之姊妹與己之身是謂姑舅兩姨皆

名尊屬已不可以卑幼匹之若已為舅姑兩姨之子彼為舅

姑兩姨之女門地相耦長幼相若嫌靡尊卑美儂鈞敵為子
選婦為女選婿宜莫先此昔成周之時王朝所婚不過齊宋
陳杞數國而已故當時稱異姓大國曰伯舅小國曰叔舅列
國之君齊宋魯衛陳鄭秦晉亦各自為甥舅之國降及後世
如晉之王謝唐之崔盧潘楊之睦朱陳之好無不世婚為重
其顯然可証者如溫嶠之玉鏡臺此以舅子娶姑女也呂榮
公夫人待制張盪之女而待制夫人即榮公母之姊此以小
姨子娶大姨女也若此律不明獄訟繁興風俗凋敝甚可
傷閔願下臣奏議弛禁章 上從之

己巳左都御史唐徽奏太平人毆死孕婦當絞子請代下大
理寺卿鄒俊議曰死婦係二人之命犯人當二死之條與其
存犯法之父孰若全無辜之子 上從之

西平侯沐英勦廣西維餘魁通四川餉道

己卯東川侯胡海招集山東元遺兵千四百四十餘人

庚申國子助教楊磐還自安南陳燾遣使隨入表賀正旦貢
闈監三十人

是年泗州朱貴 上祖陵圖帖厚賜之除奉祠世襲

己丑洪武十八年

正月朔朔琉球暹羅俱貢賀

太原府同知溫祥卿為兵部尚書

戊辰夜熒惑犯外屏

課朝覲官四千一百十七人稱職四百三十五人尋常二千

八百九十七人不稱職四百七十一人貪贖百七十一人關

兒百四十三人詔擢稱職復常任降其不稱職下貪贖於法

司餘免為編氓

儒士劉三吾為翰林學士

丁丑高麗進馬五千匹金五百斤銀布各五萬

戊寅諭禮部酌高麗令三年一朝止進馬五十匹

己卯命郡縣第民戶上中下三則編賦役冊驗輕重役之

辛巳慶遠府東蘭州蠻韋富撓作亂初富撓世據東蘭州洪

武己未富撓遣舍人韋錢保入貢匿富撓名因授錢保知州

致隙至是廣西官軍執錢保改他吏蠻民乃安

癸未禮部頒外官到任儀注

甲申江夏侯周德興往河南招故元兵

乙酉歲貢會試落第者還學讀書再落罰為吏

丙戌福建按察使鄧縣陶重仲以父兄徙鳳陽乞得聚養許

之重仲按閩盡刷宿弊德惠流洽嘗劾布政使薛大方見累

得雪復官閩人謠曰陶使再來天有眼薛公不去地無皮

戊子魏國公徐達創愈 上書勞之

辛卯定王國祭祀社稷山川等禮

二 甲辰時陰雨雪雹詔中外官民卒伍皆得盡言

國子祭酒宋訥上守邊策曰今海內既安蠻夷奉貢惟沙漠

胡尚煩聖慮若置不治則恐久為患若欲窮追遠擊又恐

艱難疲勞 陛下為聖子神孫計不過謹備而已備邊在乎

實兵實兵在乎屯田漢本始中匈奴率十餘萬騎而南趙充

國將四萬騎分屯緣邊九郡單于聞之引去當時籌畫區分

可以想見今 陛下宜於諸將中選謀勇數人每以東西五

百里為制隨其高下立法分屯如克國兵數斟酌損益率練

有法遇敵則戰寇去則耕此長策也 上嘉納之

國子學正陳潛夫上四事獎直臣簡師儒勵廉耻審用人國

子博士高允憲請如漢事旌卓異賜金增秩
乙巳初昏五星並見

丁巳右春坊右贊善董倫為左春坊大學士

己未錄軍國重事太傅右丞相魏國公徐達薨達鳳陽人從

上起兵拜鎮撫領諸將竟定天下九佩大將軍印立功蓋世

彌折節恭謹嘗宴醉甚上令昇臥故吳王時邸中醒知之

起伏階下呼死罪上益悅治甲第表其坊大功年五十四

追封中山王謚武寧賜葬鍾山之陰

彭韶贊曰天眷聖明篤生賢輔削平群雄翼我洪武反

狄陰山雪耻千古攻城帟屠手完藏府錫爵分茅以有魏

土莫彼朔方莫予敢侮氣作山河不物以腐

王世貞曰高帝之取天下計初下建康再與陳友諒角

實在行而其他皆大將軍力也大將軍之廉靜仁武沉幾

策勝即古名世之佐曷過焉勞而不伐夙夜匪懈與功名

終蓋所以處君臣之際微矣元女侑配英主整其成師於

十五年後而資請難兩都二公光表後裔寵冠群辟夫豈

幸哉儒生之第武者輒先太公望夫太公因累世之聖奉

以伐不仁牧野一戰倒戈攻北無所藉於鷹揚而殷社稷

永豐御

矣土一昨而疾驅於安土之逆旅舉賢尚功汲、以為齊
世計孰與夫大將軍受服而忘其家誓衆而忘其身論爵
第賞而忘其子孫哉吾故特標而昂之以為古今勳臣第
一云

袁又新曰予讀中山世家乃知吊伐之師智在不貪仁在
不殺勇貴能斷中山蓋之所以謨冠群策勲席皇圖即阿
衡尚父九五六哉與肩疇踵亡以逾焉况功高不伐禹績
所以承家陽羨賜莊子孫二大國歲祿萬石 聖明之酬
勞如是則烏盡方藏之喻淮陰亦易於反唇矣天下僅五

公中山子孫居二焉

松州羗反討平之仍轉餉給松州衛

三 壬戌朔廷試貢士黃子澄等四百七十二人於奉天殿賜丁
顯練子寧花綸等進士及第出身有差

甲子諭西平侯沐英凡指揮同知陞指揮使指揮僉事陞指
揮同知正副千戶衛鎮撫陞指揮僉事百戶陞副千戶俱世
襲

乙亥免應天太平寧國鎮江廣德滁和今年田租
進士自授官外餘觀政諸司給以出身祿米

丙子丁顯練子寧花綸為翰林脩撰進士出身馬京齊麟等
為編脩吳文等為檢討震為承直郎陳廣中書舍人同進
士出身危巖衛府紀善李鴻綱澶府奉祠正楊靖吏科庶吉
士黃耕承直郎襄塔中書舍人鄒仲實國子助教塔後改義
以進士未更事俾觀政諸司

分宜黃子澄蕭山魏觀皆少年美才恒備顧問明年觀憂去
子澄滿三載授脩撰今翰林院題名錄以子澄為一甲三人

非是

命工部增造京官私第

禮部主事陳章上言禮制納之

丁丑定翰林院官制學士殿閣大學士俱正五品侍讀學士

侍講學士各二從五品侍讀侍講各二正六品五經博士五

正八品典籍二一品侍書二九品侍詔六從九品史官脩撰

三從六品編脩四七品檢討四從七品首領官孔目一

夜歲星會填星金星入井宿歲星入亢宿

戊寅張麟為駙馬都尉尚福清公主張龍子

庚辰定蕃國進表禮

辛巳禁河南伐桑棗榆槐

罷考功監

壬午太常博士薛文舉言各官稱職且久任上納之

戊子填星歲星太白聚東井

戶部侍郎郭桓胡益王道亨等盜官糧至七百萬石下獄詞

連禮部尚書趙瑁刑部尚書王惠迪兵部侍郎王志工部侍

郎麥志德等舉劾伏誅株累天下官吏死徙數萬人寄徧天

下民中豪以上皆破家詔奸吏永不赦御史余敏丁廷舉言

法司迫切皆歸謗朝廷遂磔審刑右司審刑吳庸等以息天

下之謗瑁等皆棄市

談遷曰帝素惡元法之刑最加意兵食而當時死徙徧

天下一空印一盜糧禍至溢矣盜糧至七百萬未盡計臣

或符籍稽誤沿至大僂蓋祖元習而不之戒也然自法是

日詳奸民少戢矣

勅靖寧侯葉昇等工天垂象宜嚴城守如敵至第保障清野

俟急歸急擊勿失

是月翰林待詔朱善為文淵閣大學士

四朔已五色雲見明日如之群臣表賀不許

乙未勅靖寧侯葉昇等繕海蓋復三州城

丁酉敕吏部尚書余燦燦崑山人家故鑄工少喜學問其掌
銓稱平未嘗譖毀人以鄉人國子學錄金文徵憚祭酒宋訥
方嚴與學錄田子真何操學正陳潛夫告燦訥老耄受賄餓
死諸生尅落師生廩膳燦移文令訥致仕訥堅辭上驚問
故怒燦專擅并金文徵等誅之圖形暴罪

劉鳳曰燦雖躓然畏慎不被嫌猜其事乃不能詳既總
百官備宰阿蓋亦有足稱矣

談遷曰余茂本其人長者居家尤恭謹望里門輒下詎嫉
宋仲敏而驅之哉偶信妬說身伏斧鑕嚴主之不測如

此噫彼號為畏慎猶未免蒙罪况其踰濫者乎

戊戌置雲南沅江府因進羅必甸長官司秩六品正流官土
人白文玉副之

己亥太白晝見三日

壬寅錄有司善績著聞者揭御之旌善亭有顯罪者揭申明
亭

丙辰馮平縣主簿孔性善言溪峒犴獍恃險殺掠兵至則震
兵退則恣乞於要地置寨扼其出路食盡易勦然前知縣陳
景文犴獍俱應役厥後撫字乖方始復反側則守令貴得人

也工嘉納之下吏部擇賢守令撫輯之

置五開衛

思州諸洞蠻作亂信國公湯和為征將軍江夏侯周德興

副之從楚王植討平之

五朝酉朔文淵閣大學士朱善進講心箴上曰人心道心機

相倚伏人常持之可也

丙寅罷判錄司

庚午太陰犯平道

湖廣洞蠻作亂討平之

右軍都督張赫督海運七十五萬餘石往遼東

己丑沔陽衛指揮僉事和州潘進為雲南右衛指揮同知滇

夷叛服不常至是屯田繕械軍資不乏

六朔申太白晝見六日

戊戌頒命婦冠制

丙午僉各處民充力士萬四千餘人增錦衣衛六千戶領之

夜月食

戊申定朝覲官三年為期初歲至

是月下第貢士俱授教官

四川蠻酋吳裔見倡亂稱剽平王古州十二長官司悉應之
號二十萬靖州衛遣兵擊之不利遂攻靖州指揮過興敗於
九里岡與子忠死之

七月辛酉朔高麗權國事主禍獻馬請襲爵求故王王顯封謚從
之

乙丑丹徒知縣胡孟通縣丞郭伯高金壇縣丞李思進坐事
當逮者民詣闕保身特釋之皆賜勅勞酒一尊復賜香民酒
而諭之曰朕政、求賢分任方隅多失厥職方欲窮罪而更
張之爾等列爾令丞善狀嗚呼昔人君巡狩四方詢民知政
朕今坐而得縣官之賢官得其人朕復何憂特勞爾酒爾其
合享之

丙寅命戶部廳事刻天下稅糧課程一歲收用之數
公侯親屬古籍他處者各召還

己巳罷四川普定軍民府
庚午以盜糧株累良民詔大赦天下詔曰天道以有餘補不
足人乃以不足奉有餘嗚呼罪盈自己惡怒人神天譴既臨
尚造多非如戶部侍郎郭桓閩部等刑部尚書王惠迪侍郎
脩闔部等兵部侍郎王志闔部等工部侍郎麥至德閩部

等禮部侍郎趙瑁監部等贓貪亂政賄賂也集罪已分明尚
掩殺身之計妄指善良為等贓所朕設官造民業不勝任又
且罪盈法古天討以除民害愈加害民必欲除奸復生奸甚
實朕不才之致凡我天下良民憐朕不敏書不云乎天位艱
哉仰觀俯察寢食不安惟圖康民人心若此自詔以後大赦
吾民所有不赦惟是奸貪

辛未免陝西欺隱田糧十二萬餘石

壬申浙江按察使陶晟坐事死

甲戌遣國子學錄張溥詔封王福高麓國王遣國子典簿周

倬追謚故王王顯恭愍

丙子時郡縣官當去其父老詣闕乞留者皆賜勅留加賜衣
幣

甲申歲貢生不雋者提調官及教官奪祿一年

丙戌國子生值疾官給醫藥久不治者護歸其家

八月未祀姜嫄公劉於邠州

癸卯吏員役滿避本貫互用

丙午賜公侯鈔人萬錠俾還御治尾

己酉進士方昇梁德遠等六十七人為六科給事中六部試

六千五百人會湯和等號二十萬

甲申定諸蕃頒貢禮

丁亥翰林檢討茹太素為戶部尚書

築漳河隄

行人韓曄父同知致仕年七十得罪當輸作曄請代釋之

戊子星變勅諭秦王晉王周王

壬寅太白連晝見

是月文淵閣大學士朱善卒善字備萬豐城人九歲通經能

文元末隱居纂述國初授南昌教授八年薦入翰林脩撰逾

歲降典籍放歸復徵為待詔直閣乞骸卒於家年七十二所

著詩經解頤等集行世

十月己丑朔 工作大誥頒示天下

何喬遠曰 高皇帝本淮右布衣幼苦孤貧長遭兵亂人

之情偽無不盡知自平武昌以來即與群臣議足律令損

益更改不計數即位之初首頒大明令百四十五條於天

下次為直解使愚民盡知蓋踈節濶目欲以簡以嚴共期

無刑之化而物態多端律文不載比例繁多奸吏因得出

入至六年重定明年律成篇首準於唐律條令六百有六

可謂詳矣而貪墨之吏奸頑之民尚未格心 帝乃大召
天下耆德高年之人禮於有司使得執貪吏禽奸民面奏
奏實者加非常之誅於是挑筋剝指刑足斷手刑贖鉤
賜去勢以止大慈府州衙所右廨左廟名曰皮塲吏受賕
至六十金者引八塲中梟首剝皮更代之官設皮坐造清
淮樓令校尉下瞰城內有吹彈踰躑賭博無作務者捕置
樓中僅許水飲游手逋賦之僧斂地埋軀以行鑿頭之會
其他徙邊實都墾田築城自贖罪者不可勝計於是揭著
文武臣民罪由布於天下而大誥之篇出矣所以人惴慄
吏畏民馴其時微辟之士有司督趣如捕罪囚仕於朝者
多詐死佯狂求解職事自非剛敏博達之士溫恭恣畏之
臣烏能勝其任而過合乎然原 高帝之意皆以革元人
姑息之政洗故俗污染之非非為訓於後王故 祖訓首
章特戒守成之君黜刺剔閹割之刑永不可用臣下不
匡者磔身誅其家誠恐嗣君宮生內長人情真偽善惡未
必灼然無疑一時不當悞傷良善也末年更定吏戶禮兵
刑工分為六類析十二篇為二十九約六百六條為四百
六十異日權宜法外之法蕩滌滯除與天下更始矣是以

高皇帝雖昭威顯辟誅殺大張而天命永眷人心不移延
及建文餘教未衰二三頑士投火愈烈擠淵彌厲若自附
於不貳有終之臣天地神靈知高皇帝無淫威之意海
內臣民諒其有德愛之實也

賜湘王潭王魯王蜀王十七史等書

免北平今年田租之半

癸巳翰林院待詔孔希善言孟氏子孫有以罪輸作者二人
上曰大賢之後當屈法宥之遂遣還諭工部曰再氏後甚微
脫或死行凋盡矣凡在輸作者爾等詢其出自聖賢即便

釋遣

徵天下武官赴闕

乙未進士胡昌齡等十人為御史推官二甲進士李烜等二
十人為各部主事

丙申築欽天監觀星臺於雞鳴山因雨花臺為回回監觀星
臺

有星孛於斗

癸卯召大將軍馮勝回京

乙巳湘王柏之國荊州

丙午命蜀王椿之國居鳳陽

己酉魯王檀之國交州

乙卯勅逃岷武臣送馬

征十前將軍信國公湯和先次辰州衛諭銅鼓諸司能縛致
吳裔兒者肩裔兒遁上黃於是湖耳十長官司相繼降兵經
銅鼓次十萬坪分四道約會古州夜擣其巢旦日楚王督戰
盡毀其柵砦殺獲四千餘人至屈團項寨而寨尋誘執吳裔
兒等送京師詔楚王還國
宜興王簿王復春為常州同知遣吏科庶吉士楊靖勅勞之

曰爾羞朕下民之膏希徇工官之欲方今鮮此尚錫乃心用

光初志

十一月初朔裁城門節其門禁鎖鑰銅牌歸中軍都督府

水災免山東租二百五十餘萬石河南及常德三十餘萬石

甲戌進士宣城秦達為工部右侍郎

十二月朔定鈔二貫五百文准米一石準充祿賜

庶寅潭王梓之國長沙

癸卯吏科庶吉士楊靖為戶部右侍郎

丙午詔曰向今有司舉聰明正直之士至者多孤朕望朕聞

古者選用孝廉孝者忠厚愷悌廉者潔已清修如此則可以
從政矣其令州縣凡有孝廉閭鄉里者正官與耆民以禮遣
送京師

高麗八貢賀明年正旦
已酉遣行人王本勅諭建陽知縣郭伯泰縣丞陸鎰曰曩古
人臣立志忠君在內則和而不同在外則不避權勢所以上
昭主德下福民生通政司言爾伯泰鎰持法愛民靡所撓忌
嗚呼忠志之道朕今見之特命行人勞爾酒醴陞爾伯泰為
泉州府同知鎰福州府通判尚堅乃心厥有終始

壬子高麗請大統曆賜之

癸丑平緬宣慰使思倫發叛千戶王昇死之

罷各布政司煎煉鉄冶

是月建雞鳴山寺

Table of contents or index in vertical columns, including characters like 表, 目, 錄, 卷, 一, 二, 三, 四, 五, 六, 七, 八, 九, 十, 十一, 十二, 十三, 十四, 十五, 十六, 十七, 十八, 十九, 二十, 二十一, 二十二, 二十三, 二十四, 二十五, 二十六, 二十七, 二十八, 二十九, 三十, 三十一, 三十二, 三十三, 三十四, 三十五, 三十六, 三十七, 三十八, 三十九, 四十, 四十一, 四十二, 四十三, 四十四, 四十五, 四十六, 四十七, 四十八, 四十九, 五十, 五十一, 五十二, 五十三, 五十四, 五十五, 五十六, 五十七, 五十八, 五十九, 六十, 六十一, 六十二, 六十三, 六十四, 六十五, 六十六, 六十七, 六十八, 六十九, 七十, 七十一, 七十二, 七十三, 七十四, 七十五, 七十六, 七十七, 七十八, 七十九, 八十, 八十一, 八十二, 八十三, 八十四, 八十五, 八十六, 八十七, 八十八, 八十九, 九十, 九十一, 九十二, 九十三, 九十四, 九十五, 九十六, 九十七, 九十八, 九十九, 一百.



書